

Rumantsch è ina lingua naziunala, ma ina lingua parzialmain uffiziala da la Confederaziun, numnadaman en la correspundenza cun persunas da lingua rumantscha. La translazion d'in relasch federal serva a l'infurmazion, n'ha dentant nagina validità legala.

Lescha federala davart il Tribunal federal*

(Lescha davart il tribunal federal, LTF)

dals 17 da zercladur 2005 (versiun dal 1. d'avust 2014)

Attenziun: Las midadas per il 1.11.2015 n'èn betg anc integradas

Attenziun: Las midadas per il 1.1.2016 n'èn betg anc integradas

L'Assamblea federala da la Confederaziun svizra,

sa basond sin ils artitgels 188–191c da la Constituziun federala¹,

suenter avair gi invista da la missiva dal Cussegl federal dals 28 da favrer 2001²,

concluda:

1. chapitel: Posiziun ed organisaziun

1. secziun: Posiziun

Art. 1 Autoritat giudiziala suprema

1 Il Tribunal federal è l'autoritat giudiziala suprema da la Confederaziun.

2 El surveglia la gestiun dal Tribunal penal federal, dal Tribunal administrativ federal e dal Tribunal federal da patentas.³

3 El consista da 35–45 derschaders federrals ordinaris.

4 El consista ultra da quai da derschaders federrals en uffizi accessoric; il dumber da quels importa maximalmain dus terzs dal dumber dals derschaders ordinaris.⁴

5 L'Assamblea federala fixescha il dumber da derschaders en in'ordinaziun.

CULF 2006 1205

* Las designaziuns da persunas, da funcziuns e da professiuns en questa lescha valan tant per persunas femininas sco er masculinas

1 CS 101

2 Fegl uffizial federal 2001 4202

3 Versiun tenor la cifra 2 da l'agiunta tar la LF dals 20 da mars 2009 davart il Tribunal federal da patentas, en vigur dapi il 1. da schaner 2012 (CULF 2010 513, 2011 2241; Fegl uffizial federal 2008 455)

4 Vesair er l'art. 132 al. 4 qua sutwart

Art. 2 Independenza

¹ En sia activitat giudiziala è il Tribunal federal independent e suttamess mo al dretg.

² Sias decisiuns pon vegnir annulladas u midadas mo dad el sez a norma da las disposiziuns legalas.

Art. 3 Relaziun cun l'Assamblea federala

¹ L'Assamblea federala ha la surveglianza suprema dal Tribunal federal.

² Ella decida mintga onn davart l'approvazion dal preventiv, dal quint e dal rapport da gestiun dal Tribunal federal.

Art. 4 Sedia

¹ La sedia dal Tribunal federal è a Losanna.

² Ina u pliras partiziuns han lur sedia a Lucerna.

2. secziun: Derschaders**Art. 5** Elecziun

¹ L'Assamblea federala elegia ils derschaders.

² Elegibel è tgi che ha il dretg da votar en chaussas federalas.

Art. 6 Incumpatibilitad

¹ Ils derschaders na dastgan betg esser commembers da l'Assamblea federala u dal Cussegli federal e na dastgan betg avair in'autra relaziun da laver cun la Confederaziun.

² Els na dastgan exercitar nagina activitat che pregiuditgescha lur obligaziuns d'uffizi, l'independenza dal Tribunal u sia reputaziun, ni represchentar da professiun terzas persunas devant il Tribunal federal.

³ Els na dastgan exercitar nagina funcziun uffiziala per in stadi ester ed acceptar nagins titels e naginas decoraziuns d'onur d'autoritads estras.

⁴ Ils derschaders ordinaris na dastgan exercitar nagina funcziun a favur d'in chantun e na dastgan pratitgar nagina altra activitat da gudogn. Els na dastgan er betg esser commembers da la direcziun, da l'administratzion, dal post da surveglianza u dal post da revisiun d'ina interpresa commerziale.

Art. 7 Occupaziuns accessoricas

¹ Il Tribunal federal po permetter als derschaders ordinaris da pratitgar in'occupaziun accessoria senza intent da gudogn, sche l'adempliment illimità da las

obligaziuns d'uffizi, l'independenza e la reputaziun dal Tribunal na vegnan betg pregiuditgads da tala.

2 El fixescha las premissas per questa permissiun en in reglament.

Art. 8 Incumpatibilitads persunalas

1 Al Tribunal federal na dastgan betg appartegnair il medem mument sco derschaders:

- a. ils conjugals, ils partenaris registrads e personas che mainan cun els ina communidat da vita permanenta;
- b. ils conjugals u ils partenaris registrads dals fragliuns e personas che mainan cun ils fragliuns ina communidat da vita permanenta;
- c. parents en lingia directa sco er fin e cun il terz grad da la lingia laterală;
- d. quinads en lingia directa sco er fin e cun il terz grad da la lingia laterală.

2 La regulazion da l'alinea 1 litera d vala tenor il senn per communitads da vita permanentas.

Art. 9 Durada d'uffizi

1 La durada d'uffizi dals derschaders importa 6 onns.

2 Ils derschaders sortan da lur uffizi la fin da quel onn ch'els cumpleneschan lur 68avel onn da vegliadetgna.

3 Las pazzas daventadas libras vegnan puspè occupadas per il rest da la perioda d'uffizi.

Art. 10 Sarament

1 Avant ch'entrar en uffizi fan ils derschaders in sarament ch'els adempleschian conscienciusamain lur obligaziuns.

2 La saramentaziun vegn fatga davant la partizun sut il presidi dal president dal Tribunal federal.

3 Il sarament po vegnir remplazzà tras in'empermischun solenna.

Art. 11⁵

Art. 12 Lieu da domicil

Ils derschaders pon tscherner lur lieu da domicil libramain en Svizra; derschaders ordinaris ston però pudair cuntanscher il Tribunal entaifer curt temp.

⁵ Aboli tras la cifra 3 da l'agiunta tar la LF dals 17 da zercladur 2011 (dumondas d'abolir l'immunitad), en vigur dapi ils 5 da december 2011 (CULF 2011 4627; Fegl uffizial federal 2010 7345 7385)

3. secziun: Organisaziun ed administraziun

Art. 13 Princip

Il Tribunal federal regla sia organisaziun e sia administraziun.

Art. 14 Presidi

¹ L'Assamblea federala elegia or dal ravugl dals derschaders ordinaris:

- a. il president dal Tribunal federal;
- b. il vicepresident dal Tribunal federal.

² Els vegnan elegids per 2 onns e pon vegnir reelegids, però mo ina giada.

³ Il president presidiescha la Dretgira collectiva e la Cumissiun administrativa (art. 17). El represchenta il Tribunal federal vers anor.

⁴ El vegn remplazzà tras il vicepresident u, sche quel è impedì, tras il derschader cun ils pli blers onns da servetsch; sche dus derschaders han il medem dumber d'onns da servetsch, decida la vegliadetgna.

Art. 15 Dretgira collectiva

¹ La Dretgira collectiva consista dals derschaders ordinaris. Ella è cumpetenta per:

- a. decretar reglaments davart l'organisaziun e l'administraziun dal Tribunal, reparter las fatschentas, far la survegilanza dal Tribunal penal federal e dal Tribunal administrativ federal, conciliar disputas tranter ils derschaders, dar infurmaziuns, incassar las taxas da dretgira sco er pajar las indemnisiuniuns a las partidas, als representants, als experts sco er a las perditgas;
- b. elecziuns, nun che quellas vegnian attribuidas tras reglament ad in auter organ dal Tribunal;
- c. deliberar il rapport da gestiun;
- d. nominar las partiziuns ed eleger il president sin proposta da la Cumissiun administrativa;
- e. far ina proposta a l'Assamblea federala per l'elecziun dal president e dal vicepresident;
- f. engaschar il secretari general e ses substitut sin proposta da la Cumissiun administrativa;
- g. prender conclus concernent la participaziun ad associaziuns internaziunalas;
- h. ulteriuras incumbensas che vegnan delegadas ad ella tras lescha.

² Ils conclus da la Dretgira collectiva èn mo valaivels, sche almain dus terzs da tut ils derschaders sa participeschan a la sesida u a la procedura da circulazion.

Art. 16 Conferenza dals presidents

1 La Conferenza dals presidents sa cumpona dals presidents da las partiziuns. Ella sa constituescha sezza.

2 La Conferenza dals presidents è cumpetenta per:

- a. decretar directivas e reglas unitaras per la redacziun da las sentenzias;
- b. coordinar la giurisdicziun entaifer las partiziuns; resalvà resta l'artitgel 23;
- c. prender posiziun davart sbozs per decrets.

Art. 17 Cumissiun administrativa

1 La Cumissiun administrativa sa cumpona:

- a. dal president dal Tribunal federal;
- b. dal vicepresident dal Tribunal federal;
- c. da maximalmain traís ulteriurs derschaders.

2 Il secretari general prenda part a las sesidas da la Cumissiun administrativa cun vusch consultativa.

3 Ils derschaders tenor l'alinea 1 litera c vegnan elegids da la Dretgira collectiva per ina durada da 2 onns e pon vegnir reelegids, però mo ina giada.

4 La Cumissiun administrativa porta la responsabladad per l'administraziun dal Tribunal. Ella è cumpetenta per:

- a. attribuir ils derschaders federałs en uffizi accessoric a las partiziuns sin proposta da la Conferenza dals presidents;
- b. deliberar il preventiv ed il quint per mauns da l'Assamblea federala;
- c. engaschar ils actuars da dretgira ed attribuir els a las partiziuns sin proposta da las partiziuns;
- d. metter a disposizion avunda servetschs scientifics ed administrativs;
- e. garantir in perfecziunament adequat dal persunal;
- f. permetter occupaziuns accessoricas dals derschaders ordinaris suenter avair consultà la Conferenza dals presidents;
- g. ademplir la surveglianza dal Tribunal penal federal e dal Tribunal administrativ federal;
- h. tut las autres fatschentas administrativas che na fan betg part da la cumpetenza da la Dretgira collectiva u da la Conferenza dals presidents.

Art. 18 Partiziuns

1 Las partiziuns vegnan mintgamai constituidas per 2 onns. Lur cumposizion vegn publitgada.

2 Tar la nominaziun ston vegnir resguardadas adequatamain las enconuschienschas spezialas dals derschaders sco er las linguis uffizialas.

³ Ils derschaders èn obligads da far substituziuns en otras partiziuns.

Art. 19 Presidi da la partiziun

¹ Ils presidents da las partiziuns vegnan mintgamai elegids per 2 onns.

² Sch'els èn impedids, vegnan els remplazzads tras il derschader cun ils pli blers onns da servetsch; sche dus derschaders han il medem dumber d'onns da servetsch, decida la vegliadetgna.

³ Il presidi da la partiziun na dastga betg vegnir exequì dapli che 6 onns.

Art. 20 Cumposiziu

¹ Las partiziuns decidan per regla en in gremi da traïs derschaders (collegi giudigant).

² Davart dumondas giuridicas d'impurtanza fundamentala u sin proposta d'in derschader decidan els en in gremi da tschintg derschaders. Exceptà da quai èn recurs cunter decisiuns da las autoritads chantunalas da surveglianza en fatgs da scussiun e da concurs.

³ En in gremi da tschintg derschaders decidan els plinavant davart recurs cunter decrets chantunals che sustattattan al referendum e cunter decisiuns chantunalas davart l'admissibladad d'ina iniziativa u davart la premissa d'in referendum. Exceptads da quai èn recurs che pertutgan ina chaussa d'ina vischnanca u d'ina autra corporaziun dal dretg chantunal.

Art. 21 Votaziun

¹ La Dretgira collectiva, la Conferenza dals presidents, la Cumissiun administrativa e las partiziuns prendan las decisiuns ed ils conclus e fan las elecziuns cun la maioritat absoluta da las vuschs, nun che la lescha prescrivia insatge auter.

² En cas da paritat da las vuschs è decisiva la vusch dal president; en cas d'elecziuns decida la sort.

³ Tar decisiuns che vegnan prendidas en ina procedura tenor ils artitgels 72–129 n'èsi betg admess da s'abstegnair da la vusch.

Art. 22 Repartiziun da las fatschentas

Il Tribunal federal regla la repartiziun da las fatschentas a las partiziuns tenor ils champs giuridics, la nominaziun dals collegis giuditgants sco er l'engaschament dals derschaders en uffizi accessoric en in reglament.

Art. 23 Midada da la pratica e pregiudizi

¹ Ina partiziun po decider ina dumonda giuridica pir alura en moda divergente d'ina decisiun anteriura d'ina u da pliras partiziuns, sche la radunanza da las partiziuns pertutgadas è perencletga.

2 Sch'ina partiziu sto decider ina dumonda giuridica che pertutga pliras partiziuns, sa procura ella il consentiment da la radunanza da tut las partiziuns pertutgadas, sch'ella è da l'avis ch'ina decisiun cumainivla saja buna per il svilup da la giurisprudenza u per l'unitad da la giurisdicziun.

3 Ils conclus da la radunanza da las partiziuns pertutgadas èn valaivel, sche almain dus terz dals derschaders ordinaris da las partiziuns pertutgadas sa participeschan a la sesida u a la procedura da circulaziun. Il conclus vegg prendi senza tractativa da las partidas e senza tractativa publica; per la partiziu che ha fatg la dumonda è questa decisiun lianta per giuditgar il cas da disputa.

Art. 24 Actuars da dretgira

1 Ils actuars coopereschan a l'instrucziun dals cas ed a la procedura da decisiun. Els han vusch consultativa.

2 Sut la responsabladad d'in derschader elavuran els referats e redigian las decisiuns dal Tribunal federal.

3 Els adempleschan ulteriuras incumbensas ch'il reglament als surdat.

Art. 25 Administraziun

1 Il Tribunal federal s'administrescha sez.

2 El constituiescha ses servetschs ed engascha il personal necessari.

3 El ha in'atgna contabilitad.

Art. 25a⁶ Infrastructura

1 Per metter a disposiziun, per administrar e per mantegnair ils edifizis che veggan duvrads dal Tribunal federal è cumpetent il Departament federal da finanzas. Quel ha da resguardar adequatamain ils basegns dal Tribunal federal.

2 Ses basegn da rauba e da servetschs en il sectur da la logistica cuvra il Tribunal federal autonomamain.

3 Il Tribunal federal ed il Cussegħ federal reglan en ina cunvegna ils detagls da la collavurazjuni tranter il Tribunal federal ed il Departament federal da finanzas. En quella pon singuls puncs da l'attribuziun da las cumpetenzes tenor ils alineas qua survart veggir reglads autramain.

⁶ Integrà tras la cifra I 1 da la LF dals 23 da zercladur 2006 davart la rectificaziun e l'actualisaziun da la revisiun totala da l'organisaziun giudizia federala, en vigur dapi il 1. daschaner 2007 (CULF 2006 4213; Fegl uffizial federal 2006 3067)

Art. 25^b Protecziun da datas en il rom da l'utilisaziun da l'infrastructura electronica

¹ Per duvrar l'infrastructura electronica dal Tribunal federal vegnan appligads – en il rom da sia activitat administrativa – ils artitgels 57*i*–57*q* da la Lescha dals 21 da mars 1997⁸ davart l'organisaziun da la regenza e da l'administratzion tenor il senn.

² Il Tribunal federal decretescha las disposiziuns executivas.

Art. 26 Secretariat general

¹ Il secretari general dirigia l'administratzion dal Tribuna inclusiv ils servetschs scientifics. El maina il secretariat da la Dretgira collectiva, da la Conferenza dals presidents e da la Cumissiun administrativa.

² El e ses substitut vegnan elegids per ina perioda d'uffizi. La perioda d'uffizi correspunda a quella dals derschaders.⁹

Art. 27 Infurmazion

¹ Il Tribunal federal infurmescha la publicitat davart sia giurisdicziun.

² Las decisiuns ston da princip vegni publitgadas en ina furma anonimisada.

³ Il Tribunal federal regla ils princips da l'infurmaziun en in reglament.

⁴ Per ils rapportaders da dretgira po il Tribunal federal prevair in'accreditaziun.

Art. 28 Princip da transparenza

¹ La Lescha da transparenza dals 17 da december 2004¹⁰ vala tenor il senn per il Tribunal federal, uschenavant che quel ademplescha incumbensas administrativas u incumbensas en connex cun la surveglianza dal Tribunal administrativ federal e dal Tribunal penal federal.

² Il Tribunal federal designescha in organ da recurs che decida davart recurs cunter sias disposiziuns concernent l'access als documents uffizials. El po prevair ch'i na vegnia fatga nagina procedura da mediaziun; en quest cas decretescha el sia posiziun tar ina dumonda da survegnir access a documents uffizials en furma d'ina disposiziun contestabla.

⁷ Integrà tras la cifra II 1 da la LF dal 1. d'octobre 2010 (protecziun da datas en il rom da l'utilisaziun da l'infrastructura electronica), en vigur dapi il 1. d'avrigl 2012 (CULF 2012 941; Fegl uffizial federal 2009 8513)

⁸ CS 172.010

⁹ Integrà tras la cifra 1 da l'agiunta tar la LF dals 14 da december 2012, en vigur dapi il 1. da fanadur 2013 (CULF 2013 1493; Fegl uffizial federal 2011 6703)

¹⁰ CS 152.3

2. chapitel: Disposiziuns generalas da procedura

1. secziun: Cumpetenza

Art. 29 Examinaziun

- 1 Il Tribunal federal examinescha d'uffizi sia cumpetenza.
- 2 Sch'i existan dubis, sch'il Tribunal federal u in'autra autoritad è cumpetenta, fa il Tribunal federal in barat d'opiniuns cun questa autoritad.

Art. 30 Incumpetenza

- 1 Sch'il Tribunal federal na sa resguarda betg sco cumpetent en chaussa, n'entra el betg en la fatschenta.
- 2 Sch'il resultat dal barat d'opiniuns è quel ch'ina autra autoritad è cumpetenta u sche la cumpetenza d'ina autra autoritad federala para dad esser pli probabla, surdat il Tribunal federal la chaussa a l'autoritad correspundenta.

Art. 31 Dumondas pregiudizialas

Sch'il Tribunal federal è cumpetent per la chaussa principala, decida el er davart las dumondas pregiudizialas.

2. secziun: Direcziun dal process

Art. 32 Derschader d'instrucziun

- 1 Il president da la partizun maina la procedura sco derschader d'instrucziun fin a la decisiun; el po surdar questa incumbensa ad in auter derschader.
- 2 Il derschader d'instrucziun decida sco derschader singul davart la stritgada da proceduras, perquai ch'ellas èn daventadas obsoletas, perquai ch'ellas èn vegnididas re-tratgas u perquai ch'igl è vegnida fatga in'enclegientscha.
- 3 Las disposiziuns dal derschader d'instrucziun n'èn betg contestablas.

Art. 33 Disciplina

- 1 Tgi che violescha las reglas da maniera u disturba l'andament da la procedura davant il Tribunal federal, vegn chastià cun ina reprimanda u cun ina multa disciplinara fin a 1000 francs.
- 2 En cas da process che vegnan manads da mala fai u da levseñ pon la partida e ses represchentant vegnir chastiads cun ina multa disciplinara fin a 2000 francs ed en cas da repetiziun fin a 5000 francs.
- 3 Il parsura d'ina tractativa po spedir persunas, che n'observan betg sias ordinaziuns, or da la sala da sesida e chastiar ellas cun ina multa disciplinara fin a 1000 francs.

3. secziun: Recusaziun da persunas giudizialas

Art. 34 Motivs da recusaziun

¹ Derschaders ed actuars da dretgira (persunas giudizialas) prendan recusaziun, sch'els:

- a. han in interess persunal en la chaussa;
- b. èn stads participads a la medema chaussa en in'autra posiziun, en spezial sco commembers d'ina autoritat, sco consulents giuridics d'ina partida, sco experts u sco perditgas;
- c. èn maridads, vivan en partenadi registrà u mainan ina communitad da vita permanenta cun ina partida, cun ses reprezentant u cun ina persuna ch'è stada participada a la medema chaussa sco commembra da l'instanza precedenta;
- d. èn parentads u quinads en lingia directa u fin e cun il terz grad da la lingia laterala cun ina partida, cun ses reprezentant u cun ina persuna ch'è stada participada a la medema chaussa sco commembra da l'instanza precedenta;
- e. pudessan esser impligtads per auters motivs, en spezial pervia d'ina amicizia speziala u pervia d'ina inimicizia persunala cun ina partida u cun ses reprezentant.

² La cooperaziun en ina procedura anteriura dal Tribunal federal n'è per sasezza betg in motiv da recusaziun.

Art. 35 Obligaziun d'annunzia

Sch'igl è avant maun in motiv da recusaziun tar ina persuna giudiziala, sto ella com-munitgar quai ad ura al president da la partizun.

Art. 36 Dumonda da recusaziun

¹ Sch'ina partida vul pretender ch'ina persuna giudiziala prendia recusaziun, sto ella inoltrar al Tribunal ina dumonda en scrit uschespert ch'ella ha survegnì enconus-schientscha dal motiv da recusaziun. Ils fatgs che motiveschan la recusaziun ston vegnir fatgs valair vardaivlamain.

² La persuna giudiziala pertutgada sto s'exprimer davart ils motivs da recusaziun formulads.

Art. 37 Decisiun

¹ Sch'ina persuna giudiziala, da la quala i vegn pretendì ch'ella prendia recusaziun, u sch'in derschader da la partizun snega il motiv da recusaziun, decida la partizun davart la recusaziun cun exclusiun da la persuna giudiziala pertutgada.

² Davart la dumonda da prender recusaziun poi vegnir decidi senza tadlar la cuntra-partida.

³ Sch'i vegniss pretendi che uschè blers derschaders stoppian prender recusaziun ch'ina tractativa valaivla na pudess betg avair lieu, designescha il president dal Tribunal federal cun trair la sort or dal ravugl dals presidents da las Dretgiras superiuras dals chantuns che n'èn betg participads a la chaussa tants derschaders extraordinaris en uffizi accessoric sco quai ch'i dovra per pudair giuditgar la dumonda da recusaziun e – sche necessari – la chaussa principala sco tala.

Art. 38 Violaziun da las prescripziuns da recusaziun

¹ Acts uffizials, als quals ina persuna che sto prender recusaziun è stada participada, ston vegnir abolids, sch'ina partida pretenda quai entaifer 5 dis dapi ch'ella ha survegni enconuschienscha dal motiv da recusaziun.

² Mesiras da cumprova che na pon betg vegnir repetidas dastgan vegnir resguardadas da l'instanza che decida.

³ Sch'il motiv da recusaziun vegn scuvrì pir suenter la finiziun da la procedura, valan las disposiziuns davart la revisiun.

4. secziun:

Partidas, represchentants da las partidas, scrittiras giuridicas

Art. 39 Domicil da consegna

¹ Las partidas ston annunziar al Tribunal federal lur domicil u lur sedia.

² Ellas pon ultra da quai annunziar in'adressa da consegna electronica cun sia clav criptografica publica e dar lur consentiment che communicaziuns vegnian tramessas sin via electronica.

³ Partidas che abitan a l'exterior, ston designar in domicil da consegna en Svizra. Sch'ellas n'observan betg questa cundiziun, pon las communicaziuns vegnir traschadas u publitgadas en in fegl uffizial.

Art. 40 Represchentants da las partidas

¹ En chaussas civilas e penais pon partidas vegnir represchentadas mo d'advocats che han il dretg da represchentar partidas davant autoritads giudizialas svizras tenor la Lescha dals 23 da zercladur 2000¹¹ davart las advocatas ed ils advovats u tenor in contract internaziunal.

² Ils represchentants da las partidas ston sa legitimar tras in plainpudair.

Art. 41 Incapacitat da manar il process

¹ Sch'ina partida è evidentamain incapabla da processar sezza, la po il Tribunal federal intimar da designar in represchentant. Sch'ella na dat betg suatienscha a questa intimaziun entaifer il termin fixà, nominescha la dretgira in advovat per ella.

¹¹ CS 935.61

² La represchentanza designada dal Tribunal federal ha il dretg da survegnir ina indemnisiazuin adequata or da la cassa dal Tribunal, sch'ella na po betg cuvrir sias expensas cun ina indemnisiazuin concedida a la partida e sche la partida sezza è insolventa. La partida sto prestar ina cumpensaziun a la cassa dal Tribunal, sch'ella è pli tard en cas da far quai.

Art. 42 Scrittiras giuridicas

¹ Las scrittiras giuridicas ston vegnir inoltradas en ina lingua uffiziala, ston cuntegnair las pretensiuns, lur motivaziuin ed ils medis da cumprova e ston esser suttagrittadas.

² En la motivaziun stoi vegnir declerà en moda concisa, pertge che l'act contestà violescha il dretg. Sch'in recurs è mo admissibel sut la premissa ch'i sa tracta d'ina dumonda giuridica d'impurtanza fundamentala ubain ch'igl è avant maun in cas spezialmain impurtant tenor l'artitgel 84 u 84a, stoi vegnir explitgà, pertge che la premissa respectiva è ademplida.¹²

³ Ils documents, als quals la partida sa referescha sco medis da cumprova, ston vegnir agiuntads, uschenavant che la partida posseda quels; sche la scrittira giuridica sa drizza cunter ina decisiun, sto er quella vegnir agiuntada.

⁴ En cas d'ina consegna electronica sto il document che cuntegna la scrittira giuridica e las agiuntas vegnir munì da la partida u da ses represchentant cun ina signature electronica renconuschida. Il Tribunal federal fixescha en in reglament, en tge format che la consegna electronica po succeder.

⁵ Sch'i mancan la suittascripziun da la partida u da sia represchentanza, ses plain-pudair u las agiuntas prescrittas u sche la represchentanza n'è betg admessa, vegn fixà in termin adequat per rectifitgar la mancanza, e quai cun smanatschar che la scrittira giuridica na vegnia uschiglio betg resguardada.

⁶ Scrittiras giuridicas illegiblas, maledeschentas, nunchapiblas, memia extendidas u betg redigidas en ina lingua uffiziala pon vegnir refusadas da medema moda e maniera per las midar.

⁷ Scrittiras giuridicas che sa basan sin proceduras da caracter querulatoricu giuridicamain abusiv n'en betg admessas.

Art. 43 Acta da recurs cumplementara

Il Tribunal federal concede a las partidas recurrentas sin proposta in termin adequat per cumplettar la motivaziun dal recurs:

- a. sch'el resguarda sco admissibel in recurs en il sectur da l'assistenza giudiziala internaziunala en chaussas penales: e
 - b. sche la dimensiun extraordinaria u la difficultad particulara da la chaussa da recurs pretenda ina cumplettaziun.
- ¹² Versiun tenor la cifra 1 da l'agiunta tar la LF dals 28 da settember 2012 davart l'assistenza administrativa fiscale, en vigur dapi il 1. da favrer 2013 (CULF 2013 231; Fegl uffizial federal 2011 6193)

5. secziun: Termins

Art. 44 Cumenzament

¹ Periodas da scadenza che dependan d'ina communicaziun u d'in eveniment, cu-menzan il di suenter.

² Ina communicaziun, che vegn mo surdada cunter la suttascripziun da l'adressat u d'ina altra persuna autorisada, vala sco consegnada il pli tard il 7. di suenter l'em-prima emprova da consegna senza success.

Art. 45 Fin

¹ Sche l'ultim di dal termin è ina sonda, ina dumengia u in firà ch'è renconuschì tras il dretg federal u chantunal, finescha il termin il proxim lavurdi.

² Decisiv è il dretg dal chantun, en il qual la partida u ses represchentant ha ses domicil u sia sedia.

Art. 46 Suspensiun

¹ Ils terms fixads tras lescha u d'in derschader, che vegnan calculads en dis, vegnan suspendids:

- a. dal 7. di avant Pasca fin e cun il 7. di suenter Pasca;
- b. dals 15 da fanadur fin e cun ils 15 d'avust;
- c. dals 18 da december fin e cun ils 2 da schaner.

² Questa prescripziun na vala betg en proceduras concernent l'effect suspensiv e concernent autres mesiras preventivas sco er en la scussiun da cambialas ed en ils secturs da l'assistenza giudiziala internaziunala en chaussas penalas e da l'agid uffizial internaziunal en chaussas fiscales.¹³

Art. 47 Prolungazion

¹ Las periodas fixadas tras lescha na pon betg vegnir prolungadas.

² Las periodas fixadas d'in derschader pon vegnir prolungadas, sch'ils motivs èn sufficients e sche la dumonda da prolungaziun è vegnida fatga avant la scadenza dal termin.

Art. 48 Observanza

¹ Las inoltraziuns ston vegnir consegnadas al Tribunal federal il pli tard l'ultim di da la perioda da scadenza u surdadas – per mauns dal Tribunal federal – a la Posta svizra u ad ina represchentanza svizra diplomatica u consulara.

¹³ Versiun tenor la cifra 1 da l'aggiunta tar la LF dals 28 da settember 2012 davart l'assisten-za administrativa fiscale, en vigur dapi il 1. da favr 2013 (CULF 2013 231; Fegl uffizial federal 2011 6193)

² En cas d'ina consegna electronica è il termin observà, sche l'entrada tar l'adressa da consegna dal Tribunal federal è vegnida confermada dal sistem d'informatica respectiv avant la scadenza dal termin.

³ Il termin vala er sco observà, sche l'inoltrazion è vegnida fatga a temp tar l'instanza precedenta u tar in'autoritat federala u chantunala betg cumpetenta. L'inoltrazion sto vegnir transmessa immediatamain al Tribunal federal.

⁴ Il termin per in pajament anticipà u per ina garanzia è observà, sche l'import è vegnì surdà a temp a la Posta svizra u è vegnì pajà sin in conto da posta u da banca en Svizra a favur dal Tribunal federal.

Art. 49 Communicaziun manglusa

D'ina communicaziun manglusa, particularmain pervia d'ina indicaziun incorrecta u incumpleta dals medis legals u perquai ch'ina indicaziun dals medis legals prescritta manca, na dastgan resultar nagins dischavantatgs a las partidas.

Art. 50 Restabiliment

¹ Sche la partida u ses represchentant è – per in auter motiv che la communicaziun manglusa – vegni impedi senza culpa d'agir entaifer il termin, vegn il termin restabili, sche la partida fa ina dumonda correspontenta, inditgond il motiv, e prenda suenter l'act giuridic tralaschà, e quai entaifer 30 dis suenter che l'impediment è crudà davent.

² In restabiliment po er vegnir permess suenter la communicaziun da la sentenzia; sch'el vegn permess, vegn la sentenzia annullada.

6. secziun: Valur en disputa

Art. 51 Calculaziun

¹ La valur en disputa vegn determinada:

- a. tar recurs cunter decisiuns finalas, tenor las pretensiuns ch'èn restadas disputaivas davant l'instanza precedenta;
- b. tar recurs cunter decisiuns parzialas, tenor il total da las pretensiuns ch'èn stadas disputaivas davant l'instanza che ha pronunzià la decisiun parziale;
- c. tar recurs cunter decisiuns preliminaras ed intermediaras, tenor las pretensiuns ch'èn disputaivas davant quella instanza, nua che la chaussa principala è pendenta;
- d. tar plants, tenor las pretensiun da l'accusader.

² Sche la pretensiun na cuntegna betg il pajament d'ina tscherta summa, fixescha il Tribunal federal la valur en disputa tenor appreziar.

³ Ils tschains, ils fritgs, ils custs da dretgira e las indemnisiuns da la partida che veggan fatgs valair sco dretgs accessoricis, sco er las resalvas ed ils custs da la publicaziun da la sentenzia na veggan betg resguardads cun fixar la valor en disputa.

⁴ Sco valor d'utilisaziuns u da prestaziuns periodicas vala la valor dal chapital. En cas d'ina durada intscharta u illimitada vala l'import da l'utilisaziun u da la prestaziun dad 1 onn, multipligtà cun ventg, sco valor da chapital, en cas da rentas vitalizias però la valor en daners.

Art. 52 Adizjun

Pliras pretensiuns d'ina chaussa da dretg da facultad che veggan fatgas valair da la medema partida u da litisconsorts veggan adidas, uschenavant ch'ellas na s'excludan betg vicendaivlamain.

Art. 53 Cuntraplant

¹ L'import d'in cuntraplant na vegg betg adì cun quel dal plant principal.

² Sche las pretensiuns che veggan fatgas valair en il plant principal ed en il cuntraplant s'excludan vicendaivlamain e sch'in dals dus plants na cuntanscha betg la valor minimala da la chaussa en disputa, vala la limita da la valor en disputa tuttina sco cuntanschida, sch'il recurs sa drizza cunter tuts dus plants.

7. secziun: Lingua da procedura

Art. 54

¹ La procedura vegg manada en ina da las linguis uffizialas (tudestg, franzos, talian, rumantsch grischun), per regla en la lingua da la decisiun contestada. Sche las partidas dovran in'autra lingua uffiziala, po la procedura vegin manada en questa lingua.

² Tar proceduras da plant vegin prendi resguard da la lingua da las partidas, sch'i sa tracta d'ina lingua uffiziala.

³ Sch'ina partida inoltrescha documents che n'èn betg redigids en ina lingua uffiziala, po il Tribunal federal desister – cun il consentiment da las otras partidas – da pretendere ina translaziun.

⁴ Dal rest ordinescha il Tribunal federal ina translaziun, sch'igl è necessari.

8. secziun: Procedura da cumprova

Art. 55 Princip

¹ La procedura da cumprova sa drizza tenor ils artitgels 36, 37 e 39–65 da la Lescha federala dals 4 da december 1947¹⁴ davart la procedura civila (PC).

¹⁴ CS 273

² Il derschader d'instrucziun po prender sez las mesiras da cumprova necessarias u po surdar a l'autoritat federala u chantunala cumpetenta da prender talas.

³ Per interrogaziuns da perditgas, per inspecziuns al lieu e per interrogaziuns da las partidas cloma el in segund derschader.

Art. 56 Preschientscha da las partidas ed invista dals documents

¹ Las partidas han il dretg d'esser preschentas tar la registrazion da las cumprovas e da prender invista dals documents redigids.

² Nua ch'i sa tracta da proteger interess publics u privats predominants, prenda il Tribunal enconuschientscha d'in med da cumprova cun exclusiun da las partidas u da las contrapartidas.

³ Sch'il Tribunal vul sa basar en in tal cas sin il med da cumprova a disfavor d'ina partida, sto el communitgar ad ella il cuntegn da quest med da cumprova ch'è essenzial per la chaussa e dar ad ella ultra da quai la pussaivladad da s'exprimer en chaussa e d'inditgar cuntraprovas.

9. secziun: Procedura da sentenzia

Art. 57 Tractativa da las partidas

Il president da la partizion po ordinar ina tractativa a bucca da las partidas.

Art. 58 Cussegliazion

¹ Il Tribunal federal deliberesch la decisiun a bucca:

- a. sch'il president da la partizion ordinescha quai u sch'in derschader pretendenda quai;
- b. sch'i na resulta nagina unanimidad.

² En ils ulteriurs cas decida il Tribunal federal cun laschar circular las actas.

Art. 59 Publicitat

¹ Las tractativas da las partidas sco er las deliberaziuns a bucca e las votaziuns che suondan èn publicas.

² Sch'i sto vegnir temi che la segirezza, l'urden public u la moralitat saja periclitada u sche l'interess d'ina persuna pertutgada giustifitgescha quai, po il Tribunal federal excluder la publicitat per part u dal tuttafatg.

³ Il Tribunal federal expona publicamain il dispositiv da decisiuns che n'èn betg veginadas deliberadas publicamain durant 30 dis suenter lur communicaziun.

Art. 60 Communicaziun da la decisiun

- 1 L'emissiun cumplecta da la decisiun vegn communitgada – cun inditgar las persunas giudizialas responsablas – a las partidas, a l'instanza precedenta ed eventualmain ad outras parts participadas.
- 2 Sch'il Tribunal federal ha prendi sia decisiun en ina deliberaziun a bucca, communigescha el il dispositiv a las partas participadas senza retardar.
- 3 Cun il consentiment da la partida po la communicaziun vegnir fatga sin via electronica. Il Tribunal federal regla en in reglament las pretensiuns a la communicaziun electronica.

Art. 61 Vigur legala

Las decisiuns dal Tribunal federal van en vigur legala il di ch'ellas vegnan prendidas.

10. sezioni: Custs**Art. 62** Garanzia dals custs da dretgira e da l'indemnisaziun da la partida

- 1 La partida che appellescha al Tribunal federal sto prestar in pajament anticipà dals custs en l'autezza dals custs da dretgira probabels. Sch'i èn avant maun motivs spezialis, poi vegnir desisti dal tuttafatg u per part d'in pajament anticipà.
- 2 Sche la partida n'ha betg in domicil fix en Svizra u sch'ella è cumprovadomain insolventa, po ella – sin dumonda da la cuntrapartida – vegnir obligada da prestar ina garanzia per in'eventuala indemnisiun da la partida.
- 3 Il derschader d'instrucziun fixescha in termin adequat per la partida per prestar il pajament anticipà dals custs u la garanzia. Sch'il pajament anticipà dals custs na vegn betg exequì u sche la garanzia na vegn betg prestada entaifer quest termin, fixescha il derschader d'instrucziun in termin posteriur per la partida. Sch'il pajament anticipà dals custs na vegn er betg exequì u sche la garanzia na vegn er betg prestada entaifer il termin posteriur, n'entra il Tribunal federal betg sin l'inoltrazion.

Art. 63 Pajament anticipà per expensas en daner blut

- 1 Mintga partida sto pajar anticipadomain las expensas en daner blut che vegnan chaschunadas tras lur pretensiuns en il decurs da la procedura e proporziunalmain las expensas en daner blut che vegnan chaschunadas tras las pretensiuns cuminaivlas da las partidas u tras acts ch'il Tribunal federal ha fatg d'uffizi.
- 2 Il derschader d'instrucziun fixescha in termin adequat per mintga partida per prestar il pajament anticipà. Sch'il pajament anticipà dals custs na vegn betg prestà entaifer quest termin, fixescha il derschader d'instrucziun in termin posteriur per la partida. Sch'il pajament anticipà dals custs na vegn er betg prestà entaifer il termin posteriur, na vegn betg exequida l'acziun, da la quala ils custs ston vegnir cuvrids.

Art. 64 Giurisdicziun gratuita

¹ Il Tribunal federal liberescha ina partida che na dispona betg dals medis finanzials necessaris, sin proposta, da pajar ils custs da dretgira e da prestar ina garanzia d'indemnisaziun da la partida, sche sia pretensiun giuridica na para betg dad esser invana.

² Sche quai è necessari per defender ils dretgs da la partida, procura il Tribunal federal in advocat per la partida. L'advocat ha il dretg da survegnir ina indemnisiun adequata or da la cassa dal Tribunal, uschenavant che las expensas per la representanza na pon betg vegnir cuvridas d'ina indemnisiun concedida a la partida.

³ Davart dumondas da la giurisdicziun gratuita decida la partizun en in gremi da trais derschaders. Resalvads restan ils cas che vegnan tractads en la procedura simplifitgada tenor l'artitgel 108. Il derschader d'instrucziun po conceder sez la giurisdicziun gratuita, sch'i n'existan nagins dubis che las premissas sajan ademplidas.

⁴ La partida sto prestar ina cumpensaziun a la cassa dal Tribunal, sch'ella è pli tard en cas da far quai.

Art. 65 Custs da dretgira

¹ Ils custs da dretgira sa cumponan da la taxa da dretgira, da la taxa per copiar scrittiras giuridicas, da las expensas per translaziuns cun excepcziun da talas tranter las linguis uffizialas, e da las indemnisiuns dals experts sco er da las perditgas.

² La taxa da dretgira sa drizza tenor la valur, la dimensiun e la difficultad da la chaussa en disputa, tenor la moda da manar il process e tenor la situazion finanziala da las partidas.

³ Ella importa per regla:

- a. en disputas senza interess da facultad 200–5000 francs;
- b. en las ulteriuras disputas 200–100 000 francs.

⁴ Ella importa 200–1000 francs e na vegn betg calculada tenor la valur en disputa tar disputas:

- a. davart prestaziuns da las assicuranzas socialas;
- b. davart discriminaziuns pervia da la schlattaina;
- c. che resultan d'ina relaziun da lavur cun ina valur en disputa fin a 30 000 francs;
- d. tenor ils artitgels 7 ed 8 da la Lescha dals 13 da december 2002¹⁵ davart l'egalitat da persunas cun impediments.

⁵ Sche motivs particulars giustifitgeschan quai, po il Tribunal federal pronunziar taxas da dretgira ch'en pli autas che quellas fixadas en las disposiziuns respectivas, maximalmain però fin a l'import dubel en ils cas da l'alinea 3 e fin a 10 000 francs en ils cas da l'alinea 4.

¹⁵ CS 151.3

Art. 66 Adossament e repartiziu dals custs da dretgira

¹ Ils custs da dretgira vegnan per regla adossads a la partida che ha pers. Sche las circumstanzas giustifitgeschan quai, po il Tribunal federal reparter autramain ils custs u renunziar da metter a quint custs.

² Sch'in cas vegn liquidà cun ina decleraziun da renunzia u cun in'enclegentscha, po il Tribunal renunziar per part u dal tuttafatg da metter a quint ils custs da dretgira.

³ Ils custs nunnecessaris ston vegnir pajads da quel ch'als chaschuna.

⁴ A la Confederaziun, als chantuns ed a las vischnancas sco er a las organisaziuns ch'en incaricadas cun incumbensas da dretg public na dastgan per regla vegnir adossads nagins custs da dretgira, sch'els sa drizzan, senza ch'i sa tractia da lur interess da facultad, al Tribunal federal en lur champ d'activitat uffizial u sch'igl è vegni recurredi cunter lur decisiuns en talas fatschentas.

⁵ Sch'i n'è vegni disponi nagut auter, ston pliras persunas pajar a parts egualas e cun responsablidad solidarica ils custs da dretgira ch'en vegnids adossads ad ellas cuminaivlamain.

Art. 67 Custs da l'instanza precedenta

Sche la decisiun contestada vegn midada, po il Tribunal federal reparter autramain ils custs da la procedura precedenta.

Art. 68 Indemnisaziun da la partida

¹ Il Tribunal federal fixescha en la sentenzia, sche ed en tge dimensiun ch'ils custs da la partida che ha gudagnà ston vegnir pajads da la partida che ha pers.

² La partida che ha pers vegn per regla obligada da restituir a la partida che ha gudagnà tut ils custs necessaris ch'en vegnids chaschunads tras la disputa giuridica, e quai a norma da la tariffa dal Tribunal federal.

³ Sche la Confederaziun, ils chantuns, las vischnancas e las organisaziuns ch'en incaricadas cun incumbensas da dretg public gudognan en lur champ d'activitat uffizial, na vegnan per regla concedidas naginas indemnisiations da la partida ad ellas ed ad els.

⁴ L'artitgel 66 alineas 3 e 5 è applitgabel tenor il senn.

⁵ La decisiun da l'instanza precedenta davart l'indemnisaziun da la partida vegn confermada, annullada u midada dal Tribunal federal tut tenor il resultat da la procedura. En quest connex po il Tribunal fixar sez l'indemnisaziun a norma da la tariffa federala u chantunala applitgabla u surdar la fixaziun a l'instanza precedenta.

11. secziun: Execuziun

Art. 69 Decisiuns davart ina prestaziun en daners

Decisiuns che obligheschan da pajar ina summa da daners u da prestar ina garanzia en furma da daners vegnan exequidas tenor la Lescha federala dals 11 d'avrigl 1889¹⁶ davart la scussiun ed il concurs.

Art. 70 Autras decisiuns

¹ Decisiuns dal Tribunal federal che n'obligheschan betg da pajar ina summa da daners u da prestar ina garanzia en furma da daners ston vegnir exequidas dals chantuns da medema moda e maniera sco las sentenzias legalmain valaivlas da lur dretgiras.

² Percunter ston ellas vegnir exequidas tenor las suandantas disposiziuns:

- a. tenor ils artitgels 41–43 da la Lescha federala dals 20 da december 1968¹⁷ davart la procedura administrativa: sch'il Tribunal federal ha decidi en ina chaussa che tutga en emprima instanza al champ da cumpetenza d'ina autoritat administrativa federala;
- b. tenor ils artitgels 74–78 PC¹⁸: sch'il Tribunal federal ha decidi sin fundament d'in plant;
- c. tenor ils artitgels 74 e 75 da la Lescha dals 19 da mars 2010¹⁹ davart l'organisazion da las autoritads penales: sch'il Tribunal federal ha decidi en ina chaussa penala che suttastat a la giurisdicziun federala.²⁰

³ ...²¹

⁴ Cunter in'execuziun manglusa poi vegnir fatg recurs tar il Cussegli federal. Quel prenda las mesiras necessarias.

12. secziun: Dretg cumplementar

Art. 71

Nua che questa lescha na cuntegna naginas disposiziuns spezialas davart la procedura, èn applitgables tenor il senn las disposiziuns da la PC²².

¹⁶ CS **281.1**

¹⁷ CS **172.021**

¹⁸ CS **273**

¹⁹ CS **173.71**

²⁰ Versiun tenor la cifra II 5 da l'aggiunta tar la LF dals 19 da mars 2010 davart l'organisazion da las autoritads penales, en vigur dapi il 1. da schaner 2011 (CULF **2010** 3267; Fegl uffizial federal **2008** 8125)

²¹ Aboli tras la cifra II 5 da l'aggiunta tar la LF dals 19 da mars 2010 davart l'organisazion da las autoritads penales, en vigur dapi il 1. da schaner 2011 (CULF **2010** 3267; Fegl uffizial federal **2008** 8125)

²² CS **273**

3. chapitel: Il Tribunal federal sco instanza ordinaria da recurs

1. secziun: Recurs en chaussas civilas

Art. 72 Princip

¹ Il Tribunal federal giuditgescha recurs cunter decisiuns en chaussas civilas.

² Al recurs en chaussas civilas èn er suttamessas:

- a. decisiuns en chaussas da scussiun e da concurs;
- b. decisiuns da dretg public che stattan en in connex direct cun il dretg civil, en spezial decisiuns:
 1. davart la renconuschientscha e l'execuziun da decisiuns e davart l'assistenza giudiziala en chaussas civilas,
 2. davart la gestiun dal register funsil, dal register da stadi civil e dal register da commerzi sco er dals registers per marcas, musters e models, patentas d'invenziun, spezias da plantas e topografias,
 3. davart la permissiun da midar num,
 4. en il sectur da la surveglianza da las fundaziuns, cun excepiun da las instituziuns da prevenziun e da libra circulaziun,
 - 5.²³ en il sectur da la surveglianza dals executurs da testaments e d'auters represchentants tenor il dretg d'ierta,
 - 6.²⁴ en il sectur da la protecziun d'uffants e da creschids,
 7. ...²⁵.

Art. 73 Excepziun

Il recurs è inadmissibel cunter decisiuns ch'èn vegnidas prendidas en il rom da la procedura d'opposiziun cunter ina marca.

Art. 74 Valurs minimalas da la chaussa en disputa

¹ En chaussas da dretg da facultad è il recurs mo admissibel, sche la valur en disputa importa almain:

- a. 15 000 francs en cas da dretg da lavur e da locaziun;
- b. 30 000 francs en tut ils ulteriurs cas.

²³ Versiun tenor la cifra 5 da l'agiunta tar la LF dals 19 da december 2008 (protecziun da creschids, dretg da persunas e dretg dals uffants), en vigur dapi il 1. da schaner 2013 (CULF 2011 725; Fegl uffizial federal 2006 7001)

²⁴ Versiun tenor la cifra 5 da l'agiunta tar la LF dals 19 da december 2008 (protecziun da creschids, dretg da persunas e dretg dals uffants), en vigur dapi il 1. da schaner 2013 (CULF 2011 725; Fegl uffizial federal 2006 7001)

²⁵ Aboli tras la cifra 5 da l'agiunta tar la LF dals 19 da december 2008 (protecziun da creschids, dretg da persunas e dretg dals uffants), en vigur dapi il 1. da schaner 2013 (CULF 2011 725; Fegl uffizial federal 2006 7001)

² Sche la valur en dispita na cuntanscha betg la summa decisiva tenor l'alinea 1, è il recurs tuttina admissibel:

- a. sch'i sa tracta d'ina dumonda giuridica d'impurtanza fundamentala;
- b.²⁶ sch'ina lescha federala prevesa ina suletta instanza chantunala;
- c. cunter decisiuns da las autoritads chantunalas da surveglianza en chaussas da scussiun e da concurs;
- d. cunter decisiuns dal derschader da concurs e da moratori;
- e.²⁷ cunter decisiuns dal Tribunal federal da patentas.

Art. 75 Instanzas precedentas

¹ Il recurs è admissibel cunter decisiuns da las ultimas instanzas chantunalas, dal Tribunal administrativ federal e dal Tribunal federal da patentas.²⁸

² Sco ultimas instanzas chantunalas nomineschan ils chantuns dretgiras superiuras. Quellas decidan sco instanzas da recurs; exceptads èn ils cas nua che:

- a.²⁹ ina lescha federala prevesa ina suletta instanza chantunala;
- b. ina dretgira spezialisada decida sco suletta instanza chantunala davart dispitas da dretg kommerzial;
- c.³⁰ in plant cun ina valur en dispita d'almain 100 000 francs è vegni inoltrà cun il consentiment da tut las partidas directamain a la dretgira superiura.

Art. 76 Dretg da far recurs

¹ Il dretg da far recurs en chaussas civilas ha, tgi che:

- a. è sa participà a la procedura devant l'instanza precedenta u n'ha survegnì nagina pussaivladad da sa participar; e
- b.³¹ è pertutgà spezialmain da la decisiun contestada ed ha in interess degn da protecziun che quella vegnia annullada u midada.

²⁶ Versiun tenor la cifra II 2 da l'agiunta 1 tar il Cedesch da procedura civila dals 19 da decembre 2008, en vigur dapi il 1. da schaner 2011 (CULF **2010** 1739; Fegl uffizial federal **2006** 7221)

²⁷ Integrà tras la cifra 2 da l'agiunta tar la LF dals 20 da mars 2009 davart il Tribunal federal da patentas, en vigur dapi il 1. da schaner 2012 (CULF **2010** 513, **2011** 2241; Fegl uffizial federal **2008** 455)

²⁸ Versiun tenor la cifra 2 da l'agiunta tar la LF dals 20 da mars 2009 davart il Tribunal federal da patentas, en vigur dapi il 1. da schaner 2012 (CULF **2010** 513, **2011** 2241; Fegl uffizial federal **2008** 455)

²⁹ Versiun tenor la cifra II 2 da l'agiunta 1 tar il Cedesch da procedura civila dals 19 da decembre 2008, en vigur dapi il 1. da schaner 2011 (CULF **2010** 1739; Fegl uffizial federal **2006** 7221)

³⁰ Versiun tenor la cifra II 2 da l'agiunta 1 tar il Cedesch da procedura civila dals 19 da decembre 2008, en vigur dapi il 1. da schaner 2011 (CULF **2010** 1739; Fegl uffizial federal **2006** 7221)

³¹ Versiun tenor la cifra II 2 da l'agiunta 1 tar il Cedesch da procedura civila dals 19 da decembre 2008, en vigur dapi il 1. da schaner 2011 (CULF **2010** 1739; Fegl uffizial federal **2006** 7221)

2 Il dretg da far recurs counter decisius tenor l'artitgel 72 alinea 2 han er la Chanzlia federala, ils departaments federais u, uschenavant ch'il dretg federal prevesa quai, ils servetschs ch'en subordinads ad els, sche la decisiu contestada po violar la legisla-ziun federala en lur champ d'incumbensas.³²

Art. 77 Giurisdicziun da cumpromiss³³

1 Il recurs en chaussas civilas è admissibel counter decisius da dretgiras da cumpro-miss:

- a. en la giurisdicziun internaziunala da cumpromiss sut las premissas dals artitgels 190–192 da la Lescha federala dals 18 da decembre 1987³⁴ davart il dretg internaziunal privat;
- b. en la giurisdicziun naziunala da cumpromiss sut las premissas dals artitgels 389–395 dal Cudesch da procedura civila dals 19 da decembre 2008^{35,36}

2 En quests cas èn applitgabels ils artitgels 48 alinea 3, 90–98, 103 alinea 2, 105 ali-nea 2 e 106 alinea 1 sco er l'artitgel 107 alinea 2, uschenavant che quel permetta al Tribunal federal da decider sez en chaussa.³⁷

3 Il Tribunal federal examinescha mo contestaziuns ch'en vegnidias formuladas e motivadas en il recurs.

2. secziun: Recurs en chaussas penales

Art. 78 Princip

1 Il Tribunal federal giuditgescha recurs counter decisius en chaussas penales.

2 Al recurs en chaussas penales èn er suttamessas:

- a. pretensiuns civilas, sche quellas ston vegnir tractadas ensemens cun la chaussa penal;
- b. l'execuziun da chastis e da mesiras.

³² Versiun tenor la cifra II 2 da l'agiunta 1 tar il Cudesch da procedura civila dals 19 da decembre 2008, en vigur dapi il 1. da schaner 2011 (CULF 2010 1739; Fegl uffizial federal 2006 7221)

³³ Versiun tenor la cifra II 2 da l'agiunta 1 tar il Cudesch da procedura civila dals 19 da decembre 2008, en vigur dapi il 1. da schaner 2011 (CULF 2010 1739; Fegl uffizial federal 2006 7221)

³⁴ CS 291

³⁵ CS 272

³⁶ Versiun tenor la cifra II 2 da l'agiunta 1 tar il Cudesch da procedura civila dals 19 da decembre 2008, en vigur dapi il 1. da schaner 2011 (CULF 2010 1739; Fegl uffizial federal 2006 7221)

³⁷ Versiun tenor la cifra II 2 da l'agiunta 1 tar il Cudesch da procedura civila dals 19 da decembre 2008, en vigur dapi il 1. da schaner 2011 (CULF 2010 1739; Fegl uffizial federal 2006 7221)

Art. 79 Excepziun

Il recurs è inadmissibel cunter decisiuns da la Chombra da recurs dal Tribunal penal federal, nun ch'i sa tractia da decisiuns davart mesiras repressivas.

Art. 80 Instanzas precedentas

¹ Il recurs è admissibel cunter decisiuns da las ultimas instanzas chantunalas e dal Tribunal penal federal.

² Sco ultimas instanzas chantunalas nomineschan ils chantuns dretgiras superiuras. Quellas decidan sco instanzas da recurs. Exceptads èn ils cas, en ils quals ina dretgira da mesiras repressivas u in'autra dretgira decida sco suletta instanza chantunala tenor il Cedesch da procedura penala dals 5 d'october 2007³⁸ (CPP).³⁹

Art. 81 Dretg da far recurs

¹ Il dretg da far recurs en chaussas penalas ha, tgi che:

- a. è sa participà a la procedura devant l'instanza precedenta u n'ha survegni nagina pussaivladad da sa participar; e
- b. ha in interess giuridicamain protegì che la decisiun contestada veginia annullada u midada, en spezial:
 - 1. la persuna inculpada,
 - 2. ses representant legal,
 - 3. la Procura publica,
 - 4. ...⁴⁰
- 5.⁴¹ l'accusader privat, sche la decisiun contestada po avair consequenzas sin il giudicament da sias pretensiuns civilas,
- 6. la persuna che porta il plant penal, uschenavant ch'i sa tracta dal dretg da purtar plant penal sco tal,
- 7.⁴² la Procura publica da la Confederaziun e l'administratzion participada en chaussas penalas administrativas tenor la Lescha federala dals 22 da mars 1974⁴³ davart il dretg penal administrativ.

³⁸ CS 312.0

³⁹ Integrà la terza frasa tras la cifra II 5 da l'agiunta tar la LF dals 19 da mars 2010 davart l'organisazion da las autoritads penalas, en vigur dapi il 1. da schaner 2011 (CULF 2010 3267; Fegl uffizial federal 2008 8125)

⁴⁰ Aboli tras la cifra II 3 da l'agiunta 1 tar il Cedesch da procedura penala dals 5 d'october 2007, en vigur dapi il 1. da schaner 2011 (CULF 2010 1881; Fegl uffizial federal 2006 1085)

⁴¹ Versiun tenor la cifra II 5 da l'agiunta tar la LF dals 19 da mars 2010 davart l'organisazion da las autoritads penalas, en vigur dapi il 1. da schaner 2011 (CULF 2010 3267; Fegl uffizial federal 2008 8125)

⁴² Integrà tras la cifra II 8 da la LF dals 20 da mars 2008 davart la rectificaziun formala dal dretg federal (CULF 2008 3437; Fegl uffizial federal 2007 6121). Versiun tenor la cifra II 3 da l'agiunta 1 tar il Cedesch da procedura penala dals 5 d'october 2007, en vigur dapi il 1. da schaner 2011 (CULF 2010 1881; Fegl uffizial federal 2006 1085)

⁴³ CS 313.0

² La Procura publica da la Confederaziun ha er il dretg da far recurs, sch'il dretg federal prevesa che la decisiu stoppia vegnir communityada ad ella u ad in'autra autoritat federala u sch'ella ha surdà la chaussa penala a las autoritads chantunalas per laschar retschertgar e giuditgar la chaussa.⁴⁴

³ Il dretg da far recurs cunter decisiuns tenor l'artitgel 78 alinea 2 litera b han er la Chanzlia federala, ils departaments federrals u, uschenavant ch'il dretg federal prevesa quai, ils servetschs ch'en subordinads ad els, sche la decisiu contestada po violar la legislaziun federala en lur champ d'incumbensas.

3. secziun: Recurs en chaussas da dretg public

Art. 82 Princip

Il Tribunal federal giuditgescha recurs:

- a. cunter decisiuns en chaussas da dretg public;
- b. cunter decrets chantunals;
- c. concernent il dretg da votar dals burgais sco er concernent elecziuns e votaziuns dal pievel.

Art. 83 Excepziuns

Il recurs è inadmissibel cunter:

- a. decisiuns en il sectur da la segirezza interna u externa da la Svizra, da la neutralitat, da la protecziun diplomatica e dals ulteriurs affars exteriurs, uschenavant ch'il dretg internaziunal na conceda betg in dretg sin in giudicament tras ina drettgira;
 - b. decisiuns davart la naturalisaziun ordinaria;
 - c. decisiuns en il sectur dal dretg da persunas estras che concernan:
 1. l'entrada en Svizra,
 2. permissiuns, a las qualas ni il dretg federal ni il dretg internaziunal na conceda in dretg,
 3. l'admissiun provisorica,
 4. l'expulsiun sin basa da l'artitgel 121 alinea 2 da la Constituziun federala e la spedida,
- 5.⁴⁵ divergenzas da las premissas d'admissiun,

⁴⁴ Versiun tenor la cifra II 3 da l'agiunta 1 tar il Cudesch da procedura penala dals 5 d'october 2007, en vigur dapi il 1. da schaner 2011 (CULF 2010 1881; Fegl uffizial federal 2006 1085)

⁴⁵ Versiun tenor la cifra I 1 da l'Ordinaziun da l'Assamblea federala dals 20 da december 2006 davart l'adattazzjoni da decrets a las disposiziuns da la Lescha federala davart il Tribunal federal e da la Lescha federala davart il Tribunal administrativ federal, en vigur dapi il 1. da schaner 2008 (CULF 2006 5599)

6.⁴⁶ la prolungaziun da la permissiun da cunfinaris, la midada dal chantun, la midada da plazza da persunas cun ina permissiun da cunfinaris sco er l'emissiun da documents da viadi a persunas estras senza documents da legitimaziun;

- d. decisiuns en il sectur da l'asil che:

1.⁴⁷ èn vegnidas prendidas dal Tribunal administrativ federal, nun ch'ellas concernian persunas, cunter las qualas è avant maun ina dumonda d'extradiziun dal stadi ch'ellas han bandunà per tschertgar protecziun,

2. èn vegnidas prendidas d'ina instance precedenta chantunala e conceran ina permissiun, a la quala ni il dretg federal ni il dretg internaziunal na conceda in dretg;

- e. decisiuns davart la refusa da l'autorisaziun da perseguitar penalmain com-members d'autoritads u il persunal federal;

- f. decisiuns en il sectur da las acquisiziuns publicas:

1. sche la valur stimada da l'incumbensa che duai vegnir surdada na cuntascha betg la limita decisiva tenor la Lescha federala dals 16 da decembre 1994⁴⁸ davart las acquisiziuns publicas u tenor la Cunvegna dals 21 da zercladur 1999⁴⁹ tranter la Communidad europeica e la Confederaziun svizra davart tscherts aspects da las acquisiziuns publicas,

2. sch'i na sa tracta betg d'ina dumonda giuridica d'impurtanza fundamentala;

fbis.⁵⁰ decisiuns dal Tribunal administrativ federal davart disposiziuns tenor l'arritgel 32*i* da la Lescha federala dals 20 da mars 2009⁵¹ davart il transport da persunas;

g. decisiuns en il sectur da las relaziuns da laver da dretg public, sch'ellas concernan ina chaussa da dretg da facultad, betg dentant l'equalitat da las schlattainas;

h.⁵² decisiuns en il sectur da l'agid uffizial internaziunal, cun excepcziun da l'agid uffizial en chaussas fiscales;

⁴⁶ Integrà tras la cifra I 1 da l'Ordinaziun da l'Assamblea federala dals 20 da decembre 2006 davart l'adattaziun da decrets a las disposiziuns da la Lescha federala davart il Tribunal federal e da la Lescha federala davart il Tribunal administrativ federal, en vigur dapi il 1. da schane 2008 (CULF **2006** 5599)

⁴⁷ Versiun tenor la cifra I 2 da la LF dal 1. d'octobre 2010 davart la coordinaziun tranter la procedura d'asil e la procedura d'extradiziun, en vigur dapi il 1. d'avrigl 2011 (CULF **2011** 925; Fegl uffizial federal **2010** 1467)

⁴⁸ CS **172.056.1**

⁴⁹ CS **0.172.052.68**

⁵⁰ Integrà tras la cifra I 2 da la LF dals 16 da mars 2012 davart il segund pass da la reforma da la viafier 2, en vigur dapi il 1. da fanadur 2013 (CULF **2012** 5619, **2013** 1603; Fegl uffizial federal **2011** 911)

⁵¹ CS **745.1**

⁵² Versiun tenor la cifra 1 da l'agiunta tar la LF dals 28 da settembre 2012 davart l'assistenza administrativa fiscale, en vigur dapi il 1. da favrer 2013 (CULF **2013** 231; Fegl uffizial federal **2011** 6193)

- i. decisiuns en il sectur dal servetsch militar, dal servetsch civil e dal servetsch da protecziun civila;
 - j. decisiuns en il sectur dal provediment economic dal pajais ch'èn vegnidas prendidas durant smanatschas crescentas u durant situaziuns da grevas mancanzas;
 - k. decisiuns concernent subvenziuns, a las qualas la legislaziun na dat nagit dretg;
 - l. decisiuns davart la taxaziun dals dazis, sche quai vegn fatg sin basa da la tariffaziun u sin basa dal pais da la rauba;
 - m. decisiuns davart la prorogaziun u davart il relasch da taxas;
 - n. decisiuns en il sectur da l'energia nucleara che concernan:
 - 1. la premissa d'ina autorisaziun u da la midada d'ina permissiun u disposiziun,
 - 2. l'approvaziun d'ina plan da retenziuns per ils custs da dismessa che resultan avant ch'ina ovra nucleara vegn messa ord funcziun,
 - 3. autorisaziuns;
 - o. decisiuns en il sectur dal traffic sin via davart l'approvaziun dals tips da vehichels;
- p.⁵³ decisiuns dal Tribunal administrativ federal en il sectur da la telecommuni-caziun, dal radio e da la televisiun sco er da la posta concernent;⁵⁴
- 1. concessiuns ch'èn stadas l'object d'ina publicaziun uffiziala,
 - 2. disputas tenor l'artitgel 11a da la Lescha da telecommunicaziun dals 30 d'avrigl 1997⁵⁵,
- 3.⁵⁶ disputas tenor l'artitgel 8 da la Lescha da posta dals 17 da december 2010⁵⁷;
- q. decisiuns en il sectur da la medischina da transplantaziun che concernan:
- 1. l'inscripziun sin la glista da spetga,
 - 2. l'attribuziun d'organs;
- r. decisiuns en il sectur da l'assicuranza da malsauns ch'èn vegnidas prendidas dal Tribunal administrativ federal sin basa da l'artitgel 34⁵⁸ da la Lescha fe-

⁵³ Versiun tenor l'art. 106 cifra 3 da la LF dals 24 da mars 2006 davart radio e televisiun, en vigur dapi il 1. d'avrigl 2007 (CULF **2007** 737; Fegl uffizial federal **2003** 1569)

⁵⁴ Versiun tenor la cifra II 1 da l'aggiunta tar la Lescha da posta dals 17 da december 2010, en vigur dapi il 1. d'octobre 2012 (CULF **2012** 4993; Fegl uffizial federal **2009** 5181)

⁵⁵ CS **784.10**

⁵⁶ Integrà tras la cifra II 1 da l'aggiunta tar la Lescha da posta dals 17 da december 2010, en vigur dapi il 1. d'octobre 2012 (CULF **2012** 4993; Fegl uffizial federal **2009** 5181)

⁵⁷ CS **783.0**

⁵⁸ Rectifitgà da la Cumissiun da redacziun da l'Assamblea federala (art. 58 al. 1 LParl – CS **171.10**)

- derala dals 17 da zercladur 2005⁵⁹ davart il Tribunal administrativ federal (LTAF);
- s. decisiuns en il sectur da l'agricultura che concernan:
 - 1.⁶⁰ ...
 - 2. la cunfinaziun da las zonas en il rom dal cataster da producziun;
 - t. decisiuns davart il resultat d'examens e d'autras valitaziuns da las abilitads, en spezial en ils secturs da la scola, da la furmazion supplementara e da la pratica da la professiun;
 - u.⁶¹ decisiuns en il sectur da las offertas publicas d'acquisiziun (art. 22 ss. da la Lescha da bursas dals 24 da mars 1995⁶²);
 - v.⁶³ decisiuns dal Tribunal administrativ federal davart divergenzas d'opiniun tranter las autoritads en il sectur da l'agid uffizial e da l'assistenza giudiziala sin plau naziunal.

Art. 84 Assistenza giudiziala internaziunala en chaussas penales

¹ Cunter decisiuns en il sectur da l'assistenza giudiziala internaziunala en chaussas penales è il recurs mo admissibel, sch'el concerna in'extradizion, ina sequestrazion, ina consegna d'objects u da valurs da facultad u ina transmissiun d'infurmaziuns dal sectur secret e sch'i sa tracta d'in cas spezialmain impurtant.

² In cas è spezialmain impurtant, sch'i dat motivs da supponer ch'ils princips da procedura elementars sajan vegnids violads u che la procedura a l'exterior haja grevas mancanzas.

Art. 84a⁶⁴ Agid uffizial internaziunal en chaussas fiscales

Cunter ina decisiun en il sectur da l'agid uffizial internaziunal en chaussas fiscales è il recurs mo admissibel, sch'i sa tracta d'ina dumonda giuridica d'impurtanza fundamentala u sch'i sa tracta per auters motivs d'in cas spezialmain impurtant en il senn da l'artitgel 84 alinea 2.

⁵⁹ CS **173.32**. Quest art. è ussa aboli. Vesair ussa: art. 33 lit. i LTAF en cumbinaziun cun l'art. 53 al. 1 da la LF dals 18 da mars 1994 davart l'assicuranza da malsauns (CS **832.10**)

⁶⁰ Aboli tras la cifra 1 da l'agiunta tar la LF dals 22 da mars 2013, en vigur dapi il 1. da schaner 2014 (CULF **2013** 3463 3863; Fegl uffizial federal **2012** 2075)

⁶¹ Integrà tras la cifra 3 da l'agiunta tar la LF dals 22 da zercladur 2007 davart la surveglianza dals martgads da finanzas, en vigur dapi il 1. da schaner 2009 (CULF **2008** 5207; Fegl uffizial federal **2006** 2829)

⁶² CS **954.1**

⁶³ Integrà tras la cifra 3 da l'agiunta tar la LF dals 22 da zercladur 2007 davart la surveglianza dals martgads da finanzas, en vigur dapi il 1. da schaner 2009 (CULF **2008** 5207; Fegl uffizial federal **2006** 2829)

⁶⁴ Integrà tras la cifra 1 da l'agiunta tar la LF dals 28 da settember 2012 davart l'assistenza administrativa fiscale, en vigur dapi il 1. da favrer 2013 (CULF **2013** 231; Fegl uffizial federal **2011** 6193)

Art. 85 Valurs minimalas da la chaussa en disputa

¹ En chaussas da dretg da facultad è il recurs inadmissibel:

- a. en il sectur da la responsabladad dal stadi, sche la valur en disputa importa main che 30 000 francs;
- b. en il sectur da las relaziuns da lavur da dretg public, sche la valur en disputa importa main che 15 000 francs.

² Sche la valur en disputa na cuntanscha betg la summa decisiva tenor l'alinea 1, è il recurs tuttina admissibel, sch'i sa tracta d'ina dumonda giuridica d'impurtaanza fundamentala.

Art. 86 Instanzas precedentas en general

¹ Il recurs è admissibel cunter decisiuns:

- a. dal Tribunal administrativ federal;
- b. dal Tribunal penal federal;
- c. da l'Autoridad independenta da recurs davart radio e televisiun;
- d. da las ultimas instanzas chantunalas, nun ch'il recurs al Tribunal administrativ federal saja admissibel.

² Sco instanzas precedentas directas dal Tribunal federal nomineschan ils chantuns dretgiras superiuras, nun ch'ina autra lescha federala prevesia che las decisiuns d'autras autoritads giudizialas sajan puttameessas al recurs tar il Tribunal federal.

³ Per decisiuns che han oravant tut in caracter politic pon ils chantuns nominar – empè d'ina dretgira – in'autra autoritad sco instanza precedenta directa dal Tribunal federal.

Art. 87 Instanzas precedentas en cas da recurs cunter decrets

¹ Cunter decrets chantunals è admissibel il recurs direct, sch'i n'è betg pussaivel da prender in med legal chantunal cunter decrets.

² Sch'il dretg chantunal prevesa in med legal cunter decrets, vegn applitgà l'artigel 86.

Art. 88 Instanzas precedentas en chaussas dal dretg da votar

¹ Recurs concernent il dretg da votar dals burgais sco er concernent elecziuns e votaziuns dal pievel èn admissibels:

- a. en chaussas chantunalas cunter actas da las ultimas instanzas chantunalas;
- b. en chaussas federalas cunter disposiziuns da la Chanzlia federala e cunter decisiuns da las regenzas chantunalas.

² Ils chantuns prevesan in med legal cunter acts da las autoritads che pon violar ils dretgs politics dals votants en chaussas chantunalas. Questa obligaziun na s'extenda betg sin ils acts dal parlament e da la regenza.

Art. 89 Dretg da far recurs

¹ Il dretg da far recurs en chaussas da dretg public ha, tgi che:

- a. è sa participà a la procedura devant l'instance precedenta u n'ha survegnì nagina pussaivladad da sa participar;
- b. è pertutgà spezialmain da la decisiun u dal decret contestà; e
- c. ha in interess degn da protecziun che la decisiun u il decret vegnia annullà u midà.

² Il dretg da far recurs han plinavant:

- a. la Chanzlia federala, ils departaments federais u, uschenavant ch'il dretg federal prevesa quai, ils servetschs ch'èn subordinads ad els, sche l'act contestà po violar la legislazion federala en lur champ d'incumbensas;
- b. l'organ cumpetent da l'Assamblea federala en il sectur da las relaziuns da lavur dal persunal federal;
- c. vischnancas ed autres corporaziuns da dretg public, sch'ellas contestan la violaziun da garanzias che las vegnan concedidas da la Constituzion chantułala u da la Constituzion federala;
- d. persunas, organisaziuns ed autoritads, a las qualas in'autra lescha federala concede quest dretg.

³ Il dretg da far recurs en chaussas dal dretg da votar (art. 82 lit. c) ha ultra da quai mintga persuna che ha il dretg da votar en la chaussa respectiva.

4. chapitel: Procedura da recurs**1. secziun: Decisiuns contestablas****Art. 90 Decisiuns finalas**

Il recurs è admissibel cunter decisiuns che termineschan la procedura.

Art. 91 Decisiuns parzialas

Il recurs è admissibel cunter ina decisiun che:

- a. tracta mo ina part da las pretensiuns, sche questas pretensiuns pon vegnir giuditgadas independentamain da las outras;
- b. terminescha la procedura mo per ina part dals litisconsorts.

Art. 92 Decisiuns preliminaras ed intermediaras davart la cumpetenza e davart la recusaziun

¹ Il recurs è admissibel cunter decisiuns preliminaras ed intermediaras che vegnan communitgadas separadament e che concernan la cumpetenza e dumondas da recusaziun.

² Questas decisiuns na pon betg pli vegnir contestadas pli tard.

Art. 93 Autras decisiuns preliminaras ed intermediaras

¹ Il recurs è admissibel cunter outras decisiuns preliminaras ed intermediaras che vegnan communityadas separadament:

- a. sch'ellas pon chaschunar in dischavantatg irreparabel; u
- b. sche l'approvazion dal recurs pertass immediatamain ina decisiun finala che permettess d'evitar ina procedura da cumprova vasta e chara.

² En il sectur da l'assistenza giudiziala internaziunala en chaussas penals ed en il sectur da l'asil n'n decisiuns preliminaras ed intermediaras betg contestablas.⁶⁵ Resalvads restan recurs cunter decisiuns davart l'arrest d'extradizion sco er davart la sequestrazion da valurs da facultad e d'objects da valor, sche las premissas da l'alinea 1 èn ademplidias.

³ Sch'il recurs tenor ils alineas 1 e 2 è inadmissibel u n'è betg vegni inoltrà, pon las decisiuns preliminaras ed intermediaras respectivas vegnir contestadas cun in recurs cunter la decisiun finala, uschenavant ch'ellas influenzechan il cuntengn da quella.

Art. 94 Snegaziun da dretg e retardada da dretg

Cunter la snegaziun u la retardada nungiustifitgada d'ina decisiun contestabla poi vegnir fatg recurs.

2. secziun: Motivs da recurs

Art. 95 Dretg svizzer

Cun il recurs po vegnir contestada la violaziun:

- a. da dretg federal;
- b. da dretg internaziunal;
- c. da dretgs constituziunals chantunals;
- d. da disposiziuns chantunals davart il dretg da votar dals burgais e davart elecziuns e votaziuns dal pievel;
- e. da dretg interchantunal.

Art. 96 Dretg ester

Cun il recurs poi vegnir contestà che:

⁶⁵ Versiun tenor la cifra I 2 da la LF dal 1. d'october 2010 davart la coordinaziun tranter la procedura d'asil e la procedura d'extradizion, en vigur dapi il 1. d'avril 2011 (CULF 2011 925; Fegl uffizial federal 2010 1467)

- a. il dretg ester na saja betg vegnì applitgà sco quai ch'i vegn prescrit dal dretg privat internaziunal svizzer;
- b. il dretg ester decisiv tenor il dretg privat internaziunal svizzer na saja betg vegnì applitgà correctamain, premess che la decisiun na pertutgia betg ina chaussa da dretg da facultad.

Art. 97 Constataziun incorrecta dals fatgs

¹ La constataziun dals fatgs po mo vegnir contestada, sch'ella è evidentamain incorrecta u sa basa sin ina violaziun dal dretg en il senn da l'artitgel 95 e sche la rectificaziun da la mancanza po esser decisiva per il resultat da la procedura.

² Sch'il recurs sa drizza cunter ina decisiun davart l'attribuziun u la refusa da prestazioni finanzialas da l'assicuranza militara u da l'assicuranza cunter accidents, po vegnir contestada mintga constataziun incorrecta u incumpleta dals fatgs giuridicament relevanti.⁶⁶

Art. 98 Limitaziun dals motivs da recurs

Cun il recurs cunter decisiuns davart mesiras preventivas po vegnir contestada mo la violaziun da dretgs constituzionalas.

3. secziun: Novs motivs ed arguments

Art. 99

¹ Novs fatgs e meds da cumprova dastgan vegnir preschentads mo, sche la decisiun da l'instanza precedenta dat la chaschun da preschentar tals.

² Novas pretensiuns èn inadmissiblas.

4. secziun: Termin da recurs

Art. 100 Recurs cunter decisiuns

¹ Il recurs cunter ina decisiun sto vegnir inoltrà al Tribunal federal entaifer 30 dis suenter la communicaziun da la decisiun cumpleta.

² Il termin da recurs importa 10 dis:

- a. en cas da decisiuns da las autoritads chantunalas da surveglianza en chaussas da scussiun e da concurs;

⁶⁶ Versiun tenor la cifra IV 1 da la LF dals 16 da december 2005, en vigur dapi il 1. da schanner 2007 (CULF 2006 2003; Fegl uffizial federal 2005 3079)

- b.⁶⁷ en cas da decisiuns en ils secturs da l'assistenza giudiziala internaziunala en chaussas penales e da l'agid uffizial internaziunal en chaussas fiscales;
- c.⁶⁸ en cas da decisiuns davart la restabilisation d'uffants d'apres la Convenzion europeica dals 20 da matg 1980⁶⁹ davart la renconuschientscha e l'execuziun da decisiuns areguard il dretg da tgira dals uffants e davart il restabilisation dal dretg da tgira u tenor la Convenzion dals 25 d'octobre 1980⁷⁰ davart ils aspects civils dal rapiment internaziunal d'uffants;
- d.⁷¹ en cas da decisiuns dal Tribunal federal da patentas davart la concessiun d'ina licenza tenor l'artitgel 40d da la Lescha da patentas dals 25 da zercladur 1954⁷².

³ Il termin da recurs importa 5 dis:

- a. en cas da decisiuns da las autoritads chantunalias da surveglianza en chaussas da scussiun e da concurs en il rom da la scussiun da cambialas;
- b. en cas da decisiuns da las regenzas chantunalias davart recurs cunter votaziuns federalas.

⁴ En cas da decisiuns da las regenzas chantunalias davart recurs cunter las elecziuns dal Cussegli naziunal importa il termin da recurs 3 dis.

⁵ En cas da recurs pervia da conflicts da competenza tranter dus chantuns cumenza il termin da recurs il pli tard, cur che tuts dus chantuns han prendi ina decisiun, cunter la quala è admissibel il recurs tar il Tribunal federal.

⁶ ...⁷³

⁷ Cunter la snegaziun u la retardada nungiustifitgada d'ina decisiun poi vegnir fatg recurs da tut temp.

Art. 101 Recurs cunter decrets

Il recurs cunter in decret sto vegnir inoltrà al Tribunal federal entaifer 30 dis suenter la publicaziun da quest decret tenor il dretg chantunal.

⁶⁷ Versiun tenor la cifra 1 da l'aggiunta tar la LF dals 28 da settember 2012 davart l'assistenza administrativa fiscale, en vigur dapi il 1. da favr 2013 (CULF **2013** 231; Fegl uffizial federal **2011** 6193)

⁶⁸ Versiun tenor la cifra 1 da l'aggiunta da la LF dals 21 da zercladur 2013 (tgira genituriuala), en vigur dapi il 1. da fanadur 2014 (CULF **2014** 357; Fegl uffizial federal **2011** II 9077)

⁶⁹ CS **0.211.230.01**

⁷⁰ CS **0.211.230.02**

⁷¹ Integrà tras la cifra 2 da l'aggiunta tar la LF dals 20 da mars 2009 davart il Tribunal federal da patentas, en vigur dapi il 1. da schaner 2012 (CULF **2010** 513, **2011** 2241; Fegl uffizial federal **2008** 455)

⁷² CS **232.14**

⁷³ Aboli tras la cifra II 2 da l'aggiunta 1 tar il Cedesch da procedura civila dals 19 da decembre 2008, en vigur dapi il 1. da schaner 2011 (CULF **2010** 1739; Fegl uffizial federal **2006** 7221)

5. sezioni: Ulteriuras disposiziuns da procedura

Art. 102 Correspundenza

¹ Sche necessari consegna il Tribunal federal il recurs a l'instance precedenta ed ad eventualas autres partidas e parts participadas u autoritads legitimadas da far recurs, fixond in termin per inoltrar ina posizion.

² L'instance precedenta sto inoltrar las actas preliminaras entaifer quest termin.

³ In'ulteriura correspundenza na datti per regla betg.

Art. 103 Effect suspensiv

¹ Il recurs n'ha per regla betg en effect suspensiv.

² En il rom da las pretensiuns ha il recurs in effect suspensiv:

- a. en chaussas civilas, sch'el sa drizza cunter ina sentenzia constitutiva;
- b. en chaussas penalas, sch'el sa drizza cunter ina decisum che cuntegna in chasti da detenziun nuncundiziunà u ina mesira che privescha da la libertad; l'effect suspensiv na s'estenda betg sin la decisum davart pretensiuns civilas;
- c. en proceduras en il sectur da l'assistenza giudiziala internaziunala en chaussas penalas, sch'el sa drizza cunter ina disposiziun finala u cunter mintga autra disposiziun che permetta da transmetter infurmaziuns dal sectur secret u da consegnar objects u valurs da facultad;
- d.⁷⁴ en proceduras en il sectur da l'assistenza giudiziala internaziunala en chaussas fiscales.

³ D'uffizi u sin dumonda d'ina partida po il derschader d'instrucziun reglar autramain l'effect suspensiv.

Art. 104 Autras mesiras preventivas

D'uffizi u sin dumonda d'ina partida po il derschader d'instrucziun prender mesiras preventivas cun l'intent da mantegnair il stadi existent u da segirar ad interim interess periclitads.

Art. 105 Fatgs decisivs

¹ Il Tribunal federal basa sia sentenzia sin ils fatgs ch'èn vegnids constatads da l'instance precedenta.

² El po rectifitgar u cumplettar d'uffizi la constataziun dals fatgs da l'instance precedenta, sche quella è evidentamain incorrecta u sa basa sin ina violaziun dal dretg en il senn da l'artigel 95.

⁷⁴ Integrà tras la cifra II da la LF dals 21 da mars 2014, en vigur dapi il 1. d'avust 2014 (CULF 2014 2309; Fegl uffizial federal 2013 8369)

³ Sch'il recurs sa drizza cunter ina decisiun davart l'attribuziun u la refusa da prestazioni finanzialas da l'assicuranza militara u da l'assicuranza cunter accidents, n'è il Tribunal federal betg lià vi da la constataziun dals fatgs da l'instanza precedenta.⁷⁵

Art. 106 Applicaziun dal dretg

¹ Il Tribunal federal applitgescha d'uffizi il dretg.

² La violaziun da dretgs fundamentals e dal dretg chantunal ed interchantunal examinescha el mo, sche quai è vegni contestà e motivà en il recurs.

Art. 107 Decisiun

¹ Il Tribunal federal na dastga betg ir pli lunsch che las pretensiuns da las partidas.

² Sch'il Tribunal federal approvescha il recurs, decida el sez en chaussa u retorna la chaussa a l'instanza precedenta, per che quella prendia ina nova decisiun. El po er returnar la chaussa a l'autoritat che ha decidi sco emprima instanza.

³ Sch'il Tribunal federal è da l'avis ch'in recurs en il sectur da l'assistenza giudiziala internaziunala en chaussas penales u da l'agid uffizial internaziunal en chaussas fiscales saja inadmissibel, prenda el la decisiun da betg entrar en chaussa entaifer 15 dis dapi la conclusiun d'ina eventuala correspundenza. En il sectur da l'assistenza giudiziala internaziunala en chaussas penales n'è el betg lià vi da quest termin, sche la procedura d'extradizion pertutga in requirent d'asil, ma sch'i n'è betg anc avant maun ina decisiun finala legalmain valaivla cunter sia dumonda d'asil.⁷⁶

⁴ Davart recurs cunter decisiuns dal Tribunal federal da patentas davart la concessiun d'ina licenza tenor l'artitgel 40d da la Lescha da patentas dals 25 da zercladur 1954⁷⁷ decida il Tribunal federal entaifer 1 mais suenter l'itoltraziun dal recurs.⁷⁸

6. secziun: Procedura simplifitgada

Art. 108 Derschader singul

¹ En la procedura simplifitgada prenda il president da la partizun la decisiun da betg entrar:

- a. en recurs ch'en evidentamain inadmissibels;
- b. en recurs che na cuntegnan evidentamain betg ina motivazion suffizienta (art. 42 al. 2);

⁷⁵ Versiun tenor la cifra IV 1 da la LF dals 16 da december 2005, en vigur dapi il 1. da schaner 2007 (CULF 2006 2003; Fegl uffizial federal 2005 3079)

⁷⁶ Versiun tenor la cifra 1 da l'aggiunta tar la LF dals 28 da settember 2012 davart l'assistenza administrativa fiscale, en vigur dapi il 1. da favrer 2013 (CULF 2013 231; Fegl uffizial federal 2011 6193)

⁷⁷ CS 232.14

⁷⁸ Integrà tras la cifra 2 da l'aggiunta tar la LF dals 20 da mars 2009 davart il Tribunal federal da patentas, en vigur dapi il 1. da schaner 2012 (CULF 2010 513, 2011 2241; Fegl uffizial federal 2008 455)

c. en recurs querulatorics u giuridicamain abusivs.

² El po surdar questa incumbensa ad in auter derschader.

³ La motivazion da la decisiun sa restrenscha ad ina curta indicaziun dal motiv da l'inadmissibladad.

Art. 109 Gremi da trais derschaders

¹ En gremis da trais derschaders prendan las partiziuns la decisiun da betg entrar en recurs che na cuntegnan betg ina dumonda giuridica d'importanza fundamentala u che na tractan betg in cas spezialmain impurtant, sch'il recurs è admissibel mo sut questas cundiziuns (art. 74 ed 83–85). L'artitgel 58 alinea 1 litera b n'è betg appligtabel.

² Medemamain en gremis da trais derschaders decidan ellas unanimamain davart:

- a. la refusa da recurs evidentamain nunmotivads;
- b. l'approvaziun da recurs evidentamain motivads, en spezial, sche l'act contesta divergescha da la giurisdicziun dal Tribunal federal e sch'i na dat nagin motiv da verifitgar quella.

³ La decisiun vegn motivada en moda summarica. Ella po renviar dal tuttfatg u per part a la decisiun contestada.

7. secziun: Procedura chantunala

Art. 110 Giudicament tras in'autoritat giudiziala

Sch'ils chantuns ston nominar ina dretgira sco ultima instanza chantunala tenor questa lescha, garanteschan els che questa dretgira sezza u in'autra autoritat giudiziala d'ina instanza precedenta examineschia libramain ils fatgs ed applitgeschia d'uffizi il dretg decisiv.

Art. 111 Unidad da la procedura

¹ Tgi che ha il dretg da far recurs tar il Tribunal federal, sto pudair sa participar sco partida a las proceduras devant tut las instanzas precedentas chantunalas.

² Las autoritads federalas che han il dretg da far recurs tar il Tribunal federal pon prender ils meds legals dal dretg chantunal e – sch'ellas dumondan quai – sa participar a las proceduras devant mintga instanza chantunala.

³ L'instanza precedenta directa dal Tribunal federal sto pudair examinar almain las contestaziuns tenor ils artitgels 95–98. ...⁷⁹

⁷⁹ Aboli la segunda frasa tras la cifra II 2 da l'aggiunta 1 tar il Cudesch da procedura civila dals 19 da december 2008, en vigur dapi il 1. da schaner 2011 (CULF 2010 1739; Fegl uffizial federal 2006 7221)

Art. 112 Communicaziun da las decisiuns

¹ Las decisiuns ch'èn suttamessas al recurs tar il Tribunal federal ston veginir communitgadas a las partidas en scrit. Ellas ston cuntegnair:

- a. las pretensiuns, la motivaziun, las cumprovas aggiuntadas e las declaranzas da process da las partidas, nun che quellas resultian da las actas;
- b. ils motifs decisifs da natira effectiva e giuridica, en spezial l'indicaziun da las disposiziuns legalas applitgadas;
- c. il dispositiv;
- d. ina indicaziun dals medis legals e l'indicaziun da la valur en disputa, sche questa lescha prevesa ina valur minimala da la chaussa en disputa.

² Sch'il dretg chantunal prevesa quai, po l'autoritat communitgar sia decisiun senza motivaziun. En quest cas pon las partidas pretendier entaifer 30 dis che la decisiun cumplettia veginia communitgada. La decisiun n'è betg exequibla, avant che quest termin è scadi senza che la decisiun cumplettia saja veginida pretendida, ubain avant che la decisiun cumplettia è veginida communitgada.

³ Sch'ina decisiun na satisfa betg a las pretensiuns da l'alinea 1, po il Tribunal federal la returnar a la l'autoritat chantunala per la laschar curreger ubain l'annullar.

⁴ Per ils secturs, en ils quals las autoritads federalas han il dretg da far recurs, fixescha il Cussegl federal, tge decisiuns che las autoritads chantunalas las ston communitgar.

5. chapitel: Recurs constituzional subsidiar

Art. 113 Princip

Il Tribunal federal giuditgescha recurs constituzionals cunter decisiuns da las ultimas instanzas chantunalas, uschenavant ch'in recurs tenor ils artitgels 72–89 è inadmissibel.

Art. 114 Instanzas precedentes

Las prescripciziuns dal terz chapitel davart las instanzas precedentes chantunalas (art. 75 resp. 86) valan tenor il senn.

Art. 115 Dretg da far recurs

Il dretg da far recurs constituzional ha, tgi che:

- a. è sa participà a la procedura devant l'instanza precedenta u n'ha survegnì nagina pussaivladad da sa participar; e
- b. ha in interess giuridicamain protegi che la decisiun contestada veginia annullada u midada.

Art. 116 Motivs da recurs

Cun il recurs constituzional po vegnir contestada la violaziun da dretgs constituziunals.

Art. 117 Procedura da recurs

Per la procedura dal recurs constituzional valan ils artitgels 90–94, 99, 100, 102, 103 alineas 1 e 3, 104, 106 alinea 2 sco er 107–112 tenor il senn.

Art. 118 Fatgs decisivs

¹ Il Tribunal federal basa sia sentenzia sin ils fatgs ch’èn vegnids constatads da l’instanza precedenta.

² El po rectifitgar u cumplettar d’uffizi la constataziun dals fatgs da l’instanza precedenta, sche quella sa basa sin ina violaziun dal dretg en il senn da l’artitgel 116.

Art. 119 Recurs ordinari simultan

¹ Sch’ina partida fa tant in recurs ordinari sco er in recurs constituzional cunter ina decisiun, sto ella inoltrar tuts dus medis legals en la medema scrittura giuridica.

² Il Tribunal federal tracta tuts dus recurs en la medema procedura.

³ El examinescha las contestaziuns formuladas tenor las prescripcziuns davart il gener da recurs correspondent.

5a. chapitel:⁸⁰ Revisiun da decisiuns da las chombras penales dal Tribunal penal federal**Art. 119a**

¹ Il Tribunal federal giuditgescha las revisiuns cunter decisiuns da las chombras penales dal Tribunal penal federal.

² La procedura da revisiun sa drizza tenor il CPP⁸¹; l’artitgel 413 alinea 2 litera b CPP n’è betg applitgabel.

6. chapitel: Plant**Art. 120**

¹ Sin basa d’in plant giuditgescha il Tribunal federal sco unica instanza:

⁸⁰ Integrà tras la cifra II 5 da l’aggiunta tar la LF dals 19 da mars 2010 davart l’organisaziun da las autoritads penales, en vigur dapi il 1. da schancer 2011 (CULF 2010 3267; Fegl uffizial federal 2008 8125)

⁸¹ CS 312.0

- a. conflicts da cumpetenza tranter las autoritads federalas e las autoritads chantunals;
- b. disputis da dretg civil e da dretg public tranter la Confederaziun ed ils chantuns u tranter ils chantuns;
- c.⁸² pretensiuns d'indemnisazion e da bunificazion che resultan da l'actividad uffiziala da persunas en il senn da l'artitgel 1 alinea 1 literas a–c^{bis} da la Lescha da responsabladad dals 14 da mars 1958⁸³.

² Il plant è inadmissibel, sch'ina autra lescha federala autorisescha in'autoritat da decretar ina disposiziun davart talas disputas. Cunter la disposiziun è admissibel il recurs tar il Tribunal federal sco ultima instanza.

³ La procedura da plant sa drizza tenor la PC⁸⁴.

7. chapitel: Revisiun, interpretaziun e rectificaziun

1. sezioni: Revisiun

Art. 121 Violaziun da prescripziuns da procedura

La revisiun d'ina decisiun dal Tribunal federal po vegnir pretendida, sche:

- a. las prescripziuns davart la cumposiziun dal Tribunal u davart la recusaziun èn vegnidas violadas;
- b. il Tribunal ha conchedi ad ina partida dapli u – senza che la lescha permetta quai – insatge auter che quai ch'ella sezza ha pretendì u damain che quai che la cuntrapartida ha renconusch;
- c. singulas propostas n'èn betg vegnidas giuditgadas;
- d. il Tribunal n'ha per svista betg resguardà fatgs relevantes che resultan da las actas.

Art. 122 Violaziun da la Convenziun europeica dals dretgs umans

La revisiun pervia d'ina violaziun da la Convenziun dals 4 da november 1950⁸⁵ per la protecziun dals dretgs umans e da las libertads fundamentalas (CEDU) po vegnir pretendida, sche:

- a. il Tribunal europeic dals dretgs umans ha constatà en ina sentenzia definitiva che la CEDU u ses protocols sajan vegnidis violads;
- b. ina indemnisiuzion n'è betg adattada per compensar las consequenzas da la violaziun; e

⁸² Versiun tenor la cifra II 5 da l'aggiunta tar la LF dals 19 da mars 2010 davart l'organisaziun da las autoritads penals, en vigur dapi il 1. da schaner 2011 (CULF 2010 3267; Fegl uffizial federal 2008 8125)

⁸³ CS 170.32

⁸⁴ CS 273

⁸⁵ CS 0.101

c. la revisiun è necessaria per eliminar la violaziun.

Art. 123 Auters motivs

¹ La revisiun po vegnir pretendida, sch'ina procedura penalha mussà che la decisiun era vegnida influenzada tras in crim u tras in delict a disfavour da la partida; ina condamnaziun tras la dretgira penalha n'è betg necessaria. Sche la procedura penalha n'è betg pussaivla, po la cumprova vegnir furnida en autra moda.

² Plinavant po la revisiun vegnir dumandada:

- a. en chaussas civilas ed en chaussas da dretg public, sche la partida petenta scuvra posteriuramain fatgs relevantes u chatta medis da cumprova decisivs ch'ella n'ha betg pudi preschentiar en la procedura precedenta; exclus èn fatgs e medis da cumprova ch'èn resultads pir suenter la decisiun;
- b.⁸⁶ en chaussas penals, sche las premissas da l'artitgel 410 alinea 1 literas a e b ed alinea 2 CPP⁸⁷ èn ademplidas.

Art. 124 Termin

¹ La dumonda da revisiun sto vegnir inoltrada al Tribunal federal:

- a. pervia d'ina violaziun da las prescripcziuns da recusaziun: entaifer 30 dis suenter la scuverta dal motiv da recusaziun;
- b. pervia d'ina violaziun d'autras prescripcziuns da procedura: entaifer 30 dis suenter la communicaziun da la decisiun cumplett;a;
- c. pervia d'ina violaziun da la CEDU⁸⁸: entaifer 90 dis, suenter che la sentenza dal Tribunal europeic dals dretgs umans tenor l'artitgel 44 CEDU è daventada definitiva;
- d. per auters motivs: entaifer 90 dis suenter lur scuverta, il pli baud dentant suenter la communicaziun da la decisiun cumplett;a u suenter la terminaziun da la procedura penalha.

² Suenter la scadenza da 10 onns dapi che la decisiun è vegnida prendida, na po la revisiun betg pli vegnir pretendida, danor:

- a. en chaussas penals per ils motivs tenor l'artitgel 123 alineas 1 e 2 litera b;
- b. en ils ulteriurs cas per il motiv tenor l'artitgel 123 alinea 1.

Art. 125 Peremziun

La revisiun d'ina decisiun che conferma la decisiun da l'instanza precedenta, na po betg vegnir pretendida per in motiv ch'è già vegni scuvri avant la pronunzia da la

⁸⁶ Versiun tenor la cifra II 3 da l'aggiunta 1 tar il Cedesch da procedura penalha dals 5 d'october 2007, en vigur dapi il 1. da schaner 2011 (CULF 2010 1881; Fegl uffizial federal 2006 1085)

⁸⁷ CS 312.0

⁸⁸ CS 0.101

decisiun dal Tribunal federal e che avess pudi vegnir fatg valair tar l'instanza precedenta a maun d'ina dumonda da revisiun.

Art. 126 Mesiras preventivas

Suenter l'entrada da la dumonda da revisiun po il derschader d'instrucziun – d'uffizi u sin dumonda d'ina partida – suspender l'execuziun da la decisiun contestada u prender autras mesiras preventivas.

Art. 127 Correspundenza

Sch'il Tribunal federal n'è betg da l'avis che la dumonda da revisiun saja inadmissibla u nunmotivada, consegna el questa dumonda a l'instanza precedenta ed ad eventualas outras partidas e parts participadas u autoritads legitimadas da far recurs; a medem temp fixescha el in termin per inoltrar ina posiziun.

Art. 128 Decisiun

¹ Sch'il Tribunal federal lascha valair il motiv da revisiun, annullescha el la decisiun anteriura e decida da nov.

² Sch'il Tribunal federal annullescha ina decisiun da refusaziun, fixescha el a medem temp tge effect che questa annullaziun ha per ina nova decisiun da l'instanza precedenta, sche quella ha prendi ina tala en il fratemps.

³ Sch'il Tribunal federal prenda ina nova decisiun en ina chaussa penala, è applitga-beil l'artitgel 415 CPP⁸⁹ tenor il senn.⁹⁰

2. secziun: Interpretaziun e rectificaziun

Art. 129

¹ Sch'il dispositiv d'ina decisiun dal Tribunal federal n'è betg cler, incumplet u ambig, sche sias disposiziuns stattan en cuntradicziun ina cun l'autra u cun la motivaziun u sch'el cuntegna sbags da redacziun u da calculazium, interpretescha u rectifitgescha il Tribunal federal la decisiun sin dumonda en scrit d'ina partida u d'uffizi.

² L'interpretaziun d'ina decisiun da refusaziun è mo admissibla, uschè ditg che l'instanza precedenta n'ha betg prendi la nova decisiun.

³ Ils artitgels 126 e 127 èn applitgabels tenor il senn.

⁸⁹ CS 312.0

⁹⁰ Versiun tenor la cifra II 3 da l'agiunta 1 tar il Cudesch da procedura penala dals 5 d'octobre 2007, en vigur dapi il 1. da schaner 2011 (CULF 2010 1881; Fegl uffizial federal 2006 1085)

8. chapitel: Disposiziuns finalas

Art. 130⁹¹ Disposiziuns executivas chantunals

¹ Fin a l'entrada en vigur d'in cudesch da procedura penala svizzer decreteschan ils chantuns disposiziuns executivas davart la cumpetenza, l'organisazion e la procedura da las instanzas precedentas en chaussas penala en il senn dals artitgels 80 alinea 2 e 111 alinea 3, inclusiv las disposiziuns ch'èn necessarias per garantir la via giudiziala tenor l'artitgel 29a da la Constituzion federala. Sch'in cudesch da procedura penala svizzer n'è betg anc entrà en vigur 6 onns suenter l'entrada en vigur da questa lescha, fixescha il Cussegli federal – suenter avair tadla ils chantuns – il termin per decretar las disposiziuns executivas.

² Fin a l'entrada en vigur d'in cudesch da procedura civila svizzer decreteschan ils chantuns disposiziuns executivas davart la cumpetenza, l'organisazion e la procedura da las instanzas precedentas en chaussas civilas en il senn dals artitgels 75 alinea 2 e 111 alinea 3, inclusiv las disposiziuns ch'èn necessarias per garantir la via giudiziala tenor l'artitgel 29a da la Constituzion federala. Sch'in cudesch da procedura civila svizzer n'è betg anc entrà en vigur 6 onns suenter l'entrada en vigur da questa lescha, fixescha il Cussegli federal – suenter avair tadla ils chantuns – il termin per decretar las disposiziuns executivas.

³ Entaifer 2 onns suenter l'entrada en vigur da questa lescha decreteschan ils chantuns disposiziuns executivas davart la cumpetenza, l'organisazion e la procedura da las instanzas precedentas en il senn dals artitgels 86 alineas 2 e 3 ed 88 alinea 2, inclusiv las disposiziuns ch'èn necessarias per garantir la via giudiziala tenor l'artitgel 29a da la Constituzion federala.

⁴ Fin a l'entrada en vigur da la legislazion executiva pon ils chantuns decretar las disposiziuns executivas en furma da decrets che na suttastattan betg al referendum, sche quai è necessari per observar ils termins tenor ils alineas 1–3.

Art. 131 Abolizion e midada dal dretg vertent

¹ La Lescha federala dals 16 da decembre 1943⁹² davart l'organisazion giudiziala vegn abolida.

⁹¹ Versiun tenor la cifra I 1 da la LF dals 23 da zercladur 2006 davart la rectificaziun e l'actualisaziun da la revisiun totala da l'organisazion giudiziala federala, en vigur dapi il 1. da schaner 2007 (CULF 2006 4213; Fegl uffizial federal 2006 3067)

⁹² [CRLF 3 531; CULF 1948 485 art. 86, 1955 871 art. 118, 1959 902, 1969 737 art. 80 lit. b 767, 1977 237 cifra II 3 862 art. 52 cifra 2 1323 cifra III, 1978 688 art. 88 cifra 3 1450, 1979 42, 1980 31 cifra IV 1718 art. 52 cifra 2 1819 art. 12 al. 1, 1982 1676 agiunta cifra 13, 1983 1886 art. 36 cifra 1, 1986 926 art. 59 cifra 1, 1987 226 cifra II 1 1665 cifra II, 1988 1776 agiunta cifra II 1, 1989 504 art. 33 lit. a, 1990 938 cifra III al. 5, 1992 288, 1993 274 art. 75 cifra 1 1945 agiunta cifra 1, 1995 1227 agiunta cifra 3 4093 agiunta cifra 4, 1996 508 art. 36 750 art. 17 1445 agiunta cifra 2 1498 agiunta cifra 2, 1997 1155 agiunta cifra 6 2465 agiunta cifra 5, 1998 2847 agiunta cifra 3 3033 agiunta cifra 2, 1999 1118 agiunta cifra 1 3071 cifra I 2, 2000 273 agiunta cifra 6 416 cifra I 2 505 cifra I 1 2355 agiunta cifra 1 2719, 2001 114 cifra I 4 894 art. 40 cifra 3 1029 art. 11 al. 2, 2002 863 art. 35 1904 art. 36 cifra 1 2767 cifra II 3 988 agiunta cifra 1, 2003 2133 agiunta cifra 7 3543 agiunta cifra II 4 lit. a 4557 agiunta cifra II 1, 2004 1985 agiunta cifra II 1 4719 agiunta cifra II 1, 2005 5685 agiunta cifra 7]

² La midada dal dretg vertent vegn reglada en l'agiunta.

³ L'Assamblea federala po adattar tras in'ordinaziun disposiziuns en leschas federales che cuntrafan a questa lescha, ma che n'èn betg vegnidas midadas formalmain.

Art. 132 Disposiziuns transitoricas

¹ Questa lescha è applitgabla per las proceduras ch'èn vegnidas introducidas davant il Tribunal federal suenter sia entrada en vigur; per proceduras da recurs è ella dentant mo applitgabla, sch'er la decisiun contestada è vegnida prendida suenter l'entrada en vigur da questa lescha.

² En divergenza da l'artitgel 86 alinea 1 pon recurs cunter decisiuns d'approvaziun da plans dal Departament federal per ambient, traffic, energia e communicaziun concernent la seconda fasa da la NEAT (art. 10^{bis} al. 1 lit. b dal Conclus federal dals 4 d'october 1991⁹³ davart il transit tras las Alps) vegnir fatgs directamain tar il Tribunal federal. En quests cas po il Tribunal federal examinar libramain ils fatgs.

³ La perioda d'uffizi dals derschaders federais ordinaris ed accessorics ch'èn vegnidis elegids sin basa da la Lescha federala dals 16 da december 1943⁹⁴ davart l'organisaziun giudiziala u dal Conclus federal dals 23 da mars 1984⁹⁵ davart l'augment dal dumber da derschaders accessorics dal Tribunal federal u che vegnan elegids ils onns 2007 e 2008, finescha ils 31 da december 2008.⁹⁶

⁴ La limitazjun dal dumber da derschaders federais accessorics tenor l'artitgel 1 alinea 4 vala pir a partir da l'onn 2009.⁹⁷

Art. 133 Referendum ed entrada en vigur

¹ Questa lescha è suttamessa al referendum facultativ.

² Il Cussegl federal fixescha l'entrada en vigur.

Data da l'entrada en vigur: 1. da schaner 2007⁹⁸

⁹³ CS 742.104

⁹⁴ [CRLF 3 531]

⁹⁵ [CULF 1984 748, 1992 339, 1993 879 agiunta 3 cifra 3]

⁹⁶ Integrà tras la cifra I 1 da la LF dals 23 da zercladur 2006 davart la rectificaziun e l'actualisaziun da la revisiun totala da l'organisaziun giudiziala federala, en vigur dapi il 1. da schaner 2007 (CULF 2006 4213; Fegl uffizial federal 2006 3067)

⁹⁷ Integrà tras la cifra I 1 da la LF dals 23 da zercladur 2006 davart la rectificaziun e l'actualisaziun da la revisiun totala da l'organisaziun giudiziala federala, en vigur dapi il 1. da schaner 2007 (CULF 2006 4213; Fegl uffizial federal 2006 3067)

⁹⁸ Art. 1 lit. a da l'ordinaziun dal 1. da mars 2006 (CULF 2006 1069)

Agiunta
(art. 131 al. 2)

Midada dal dretg vertent

Las leschas federalas qua sutvart vegnan midadas sco suonda:

...⁹⁹

⁹⁹ Las midadas pon vegnir consultadas sut CULF **2006** 1205.